

103

103
141

103

dias: El primero, del §. *si generaliter* 22. *Inst. de legat.* El segundo, del §. *Finitur Inst. de usufr.* El tercero, del §. *sed si remdegararij Inst. de legat.* El cuarto, del §. *reus qui apud hostes Inst. Quib. non est permisi. fac. test.* El quinto, del §. *vir. Inst. de Ingen.* El sexto, del §. *constituitur. Inst. de usufr.* El Septimo, de todo el titulo *Inst. de Conici.* El octavo, del §. *Libertinorum Inst. de libertin.* Y en los dos últimos Años Imprimió las Conclusiones, ilustrandolas con muchos Textos, y Autores. Y tambien dió à la Estampa otras Conclusiones del titulo de *Sepúlchro violato*, Impresas en un Cuaderno, con muchas notas de Textos, y erudicion.

Oposición, y consecucion de la Cathedra de Sexto.

Otrofi, doy fee como estando vacante la Cathedra de Sexto el año de 1682. leyó de oposicion, del cap. *si Duo* 3. de *Offic. & Potest. Iud. deleg. in 6.* y despues la dió à la Estampa. Y aviendo continuado en la oposicion de dicha Cathedra, la ganó de cinquenta Votos, y veinte y tres Calidades, en Concurso de luzidos Opositores, y tomó posesion de ella à 16. de Mayo de dicho año de 82.

Oposicion à la Cathedra de Decreto.

Asimismo consta aver leído de oposicion el año de 1685. del *Can. si per sortitarias* 3. 33. q. 1. La qual Lccion fué en oposicion à la Cathedra de Decreto.

Segunda consecucion de la Cathedra de Sexto.

Otrofi, doy fee como aviendosele cumplido los cinco años de Lectura de la Cathedra de Sexto, à 1. de Abril de 1687. bolvió à oponerse à ella, y no tuvo competidor; conque tomó segunda vez la posesion à 12. de dicho mes.

Oposicion, y consecucion de la Cathedra de Decreto.

Otrofi, doy fee que aviendo vacado la Cathedra de Decreto, dicho año de 87. se opuso segunda vez à ella, y no tuvo competidor, y tomó la posesion à 7. de Mayo de dicho año.

Oposicion, y consecucion de la Cathedra de Vísperas de Canones.

Otrofi, doy fee que estando vacante la Cathedra de Vísperas de Canones el año de 1690. se opuso à ella, y no tuvo competidor; y tomó la posesion à 8. de Octubre de dicho año; desde cuyo tiempo la está leyendo. Y que el año de 1694. se le declaró por el Claustro de Rector, y Cathedralicos de dicha Universidad, que debía gozar de la Perpetuidad de dicha Cathedra, por aver leído doze años continuos, desde el año de 1682. en Cathedras de propiedades: es à saber, cinco en la de Sexto, tres en la de Decreto; y los quatro restantes en la Cathedra de Vísperas.

Declaracion de Perpetuidad en dicha Cathedra.

Asimismo consta aver prefidido, despues de Cathedralico, siete Actos Mayores de Conclusiones, por mañana, y tarde. El primero, de la ley 3. *D. qui, & à quibus* en que defendió la Constitucion de D. Marco à Aufidio Victorino. El segundo, de la Ley 16. §. 1. *D. ad S. C. Sy. lin.* en que defendió la materia de *His qui benedictibus in hiant occisorum, & eorum vindictam insuper habent.* El Tercero, del cap. *ab arbitris* 11. de *offic. & potest. Iud. deleg. in 6* en que defendió la materia de *Arbitris Iuris.* El quarto

Prefidias de Actos Mayores, por mañana, y tarde.

Indice

1. Theses Novissimae.
2. Novissimus Verificatus.
3. Pro Catholica Concordia et unitate disputatio.
4. Dissertatio de Unitate Theser Novissimae.
5. Conclusiones Aristotelicae.
6. Aristotelis contra similitudinem novissimorum, in auctoritate.
7. Quam manifeste.
8. Novissimus verificatus.
9. Epistola de Unitate Bibliothecae Universitatis Principis.





THESES NORISIANÆ,

IN QUIBUS DAMNATA JANSENIJ,

ET NOVATORUM DOGMATA,

MAGNO ADSCRIBUNTUR AUGUSTINO,

A B

HENRICO THEOL. IMPUGNANTUR.

DUACI TYPIS JOAN. KERVEN. ANNO 1730.

§. I.

*MENS, ET SCOPUS AUTHORIS
indicatur.*

POSTQUAM Sanctissimi Pontifices S. Pius V. Greg. XIII. & Urban. VIII. Bajana dogmata proseripsere, & postquam Jansenij propositiones ab Innoc. X. & Alex. VII. fuerant profligate; Henricus Card. Noris, præsertim in Vindicijs Augustinianis, necnon in Historia Gothefcalcana, & Pelagiana haud leve Jansenismi specimen produxit, & veluti Scopum sibi præfixisse videtur, Bajanas, atque Jansenianas positiones à damnationis flammis eripere, & in integrum restitutas, incolumes Scholæ reddere. Quare rerum ac temporum statui per necessarium duxi nonnulla indicare, quibus mens, & spiritus Norisianus penitus innotescat.

Neutiquam conspicuo Cardinali honori vertetur, quod infrenitum Religionis hostem Quenellum encomijs liberalissimis, & iteratis extollar, quinimo, & illius præsidium pro suarum opinionum confirmatione, & fulcimento affectare contendat. Quenellum! qui Calvino nocentior, audentiorque Lutherò, cum protervia, cum artibus, & audacia, qua calamum strinxit adversus infallibilem Ecclesiæ autoritatem, qui Calvinianam pestem mellitis suæ mysticæ verbis, & incomparabili

versutia talitèr epotandam obtulit, ut magnam Belgij partem ditioni Jansenianæ, seu potius Calvinistæ, addiderit? Quenellom! postquam lethale sæctum Catholicæ Ecclesiæ sanctissimum protrudit encomijs profusissimis Evehit, & exornat gravissimus, & sapientissimus Romanæ Ecclesiæ purpuratus!

Quenellum! nec satis miror, qui postquam SS. Alex. VIII. ut erroneas, schismaticas, & hæreticas damnavit 31. propositiones; Romanos Theologos S. Officij Consultores, Emin. Cardinales, & ipsum Alexandrum Pontificem modis indignissimis exagitant, effudit: *Romanum Tribunal videtur esse Latronum latibulum. In censuris Romanis modica apparet æquitas, & amor pacis. Magna pars Cardinalium nihil intelligit; & id genus alia, quibus Belgis instillare nitebatur, quo contemptu oporteat excipere omnia, quæ Roma statuat, maximè Jansenistis ingrata.* Hunc inquam phanatico insultantem spiritu adversus Regiam, & Pontificiam auctoritatem honorificentissimis elogijs cumulat, & illustri sapientiæ lauro coronat Emin. Noris.

Nec adedè protervum hæreticum tantummodo exaltat, verùm etiam gloriatur Noris à tanto viro, videlicèt à Quenello, laudari, à quo hoc sibi sumit, & in lucem protulit elogium: *Hec Henricus Noris vir eruditissimus inter primos S. Augustini discipulos, & defensores.* Nec credi potest ignorasse Norisium, quod omnibus ex tunc notissimum erat, nempè: Quenellum, ejusque universam factionem, nulli, qui Jansenismum ex visceribus non profiteretur, nomine *Discipuli Augustini* neutiquam favère; quo constat Emin. Cardinalem jam diu inter primarios, & insignes Jansenistas à numerari.

Non impar amicitiaæ fœdere, & urbanitate Quenellus erga suum faventissimum sydus, profusus encomiastes vices amplissimas rependit, dum supra omnem auctoritatem, etiam Pontificiam, Norisij numen collocare contendit. Hinc, inde agitatus præmebatur Quenellus, cum Regia, & Antilitum decreta suas assertiones fallitatis, conspirationis, & hæreseos arguebant, dum Pontificia oracula suis articulis, & menti adversantia crebro audiebat, obstinationem infœlix solabatur dicens: *Sufficit mihi auctoritas sapientissimi Cardinalis Noris omnibus superior, non solum ob ejus sublimem sapientiam, & eruditionem, sed præcipuè: quia ejus liber ter ad Supremum Romanæ Inquisitionis Tribunal denunciatus, ter etiam incolumis evasit.*

Sic reciproca præmissa laude, unus ab altero in suorum dogma-

In libel. epist.
Abbatis, ad
quendam Rom.
Curia Præl. fol.
15. 21. 31.

18

In

le

matum auxilium invocatur ; & hac intima , ni multum fallor , necessitudine , & affectuum concordia Quenellum inter , & Norisium , licet cætera abessent testimonia , etiam in materia doctrinæ unitas , & communio non obscure demonstratur. Id absolute firmant plures primæ notæ Doctores Catholici , qui Norisianam mentem sedulo extricavere , & aperti Jansenismi incusarunt.

In primis Papebrochius sic Norisij excusationem spernit: *Pessimam excusationem præmitis , nimirum ; hæc doctrinæ Augustini cultum , & veritatis amorem tibi prorsus invito extorxisse. Augustini , non Hyppouensis , sed forsitan Iprensis : amor quoque , non veritatis antiquæ , sed novæ conspirationis , seu potius Novatorum.* Accedunt Gonet Dominicanus , Macedo Franciscanus , Martinon Jesuita , Lessius , Tannerus , & alij nobilissimi D. D. de Bajanismo appellantes doctrinam Card. Noris. Audiatur Gonet tom. 4. disp. 1. *Damnata videtur : Unde Tannerus disp. de Grat. 6. dub. 3. Fatetur se nescire , qua ratione sine periculo , sententia ista defendi possit. Et Lessius de Auxilijs , cap. 10. num. 5. constanter affirmat : Sententiam Ariminensis una cum Bajo , ab his Pontificibus fuisse damnatam. Pro hac Sent. stat Noris , quam Lutheranam esse credit Fontaine , tom. 1. fol. 31. num. 7.*

Actis S. Vincent. 24. Maij.

Magister Navarro Doctor Salmantinus , suæ Congreg. Benedictinæ meritisissimus Generalis in defensione Constitutionis Unigenitus asserit , & efficaciter probat doctrinam Card. Noris , & Quenelli , de Virtutibus Infidelium amico fœdere copulari. *Hæc est (ait) tota ratio , & summa doctrinæ Cardinalis Noris , & etiam , si ingenuè loquendum est , summa errorum Quenelli.* Et quoniam Mag. Manso Augustinianus prodijt Norisium vindicaturus , illius liber à Supremæ Inquisitionis Hispanæ Senatu proscriptus fuit ; nec mirum , cum opus fuerit ipsi Norisio , ex quo in lucem Vindicias Augustinianas profudit , quatuor Tractatus fundere , quibus se ab impugnatoribus protegeret ; quo fatis ostenditur , quam pluribus insensæ à primo lumine exitere Vinditiæ.

Tom. fol. 384.
& S. 2. fol. 76.

Sed quia retulit Quenellus Cardinalis doctrinam post triam denuntiationem , incolumem à censura exitisse ; id minime sive Norisio , sive Quenello servit : Quid ni prudentissimi Censores , & Judices illa tempestate , qua nondum Quenellismi mysteria , & erroris velamina erant penitus denudata censuram suspenderent , quousque nova accederent lumina ? Notum omnibus est novum Quenelli testamentum , & ejusdem Reflexiones Morales sæpius delatas fuisse : Anno 1694. jam supra 200. pro-

positiones, acri censura dignæ præ manibus Theologorum circumferebantur: Num illico, pluribus etiam repetitis denuntiationibus, proscriptæ fuere? Imò à pluribus è Catholicis innoxie habebantur. Tandem à SS. Clem. XI. confixæ. Quis ambigit plures è Molinianis Articulis, Zelatorum stimulis, ut damnarentur non obstantibus, diu vixisse Romæ incolumes, & tanquam sanæ mysticæ proles à pluribus existimatas fuisse.

Pelagium, quis ignorat! dum Patres Palestini in eum decreverant dicere Anathema, evocatis ad ultimum discrimen indutrix viribus, ita tricis, & cavillationibus profecisse, ut sententiæ fulmina declinaret, & Patres fallere obrinnerit: *Quod & nobis forsitan accidisset* (ait August.) *si cum eis in ipso concilio sedissemus.* Hæreticorum quis perversa sua dogmata non tegit, ut sensum orthodoxum præferre videantur? Qui Arrium, Nestorium, & Eutychen (ut alios præteream) legerit, vel in eorum scriptis, vel in eorum fidei professionibus Artianismum, aut Nestorianismum vix perspiciet: ambiguus adè terminis veritatem affectant, ut vel lineæ oculis hæresis abscondatur: quid ergo miraberis, id Norisianis Thesisibus accidisse.

Aderat tunc temporis Romæ Card. Noris vir sublimi sapientiæ nomine conspicuus, ob ægregias animi dotes pergratus: ipse sui interpret, & defensor, eloquentia, & dexteritate in vertendis, & evolendis Theologiæ Scholasticæ terminis veteranus. In Romana Curia, & sæculi, & litterarum Proceres, optimosque Antillites, atque Purpuratos sibi faventes prospiciebat; intendit fortasè Quenellus, quod Norisiana dogmata proscriberentur, dum ipsius fraudes nondum erant proflus detectæ, nec ejus propositiones castigatæ? *Incolumis evasit doctrina Norisiana*, fautor, si id tantum denotet, quod pleniore luce indigebat, ut Jansenistis, & Calvinianis adhærescens plenè convinceretur.

§. II.

ERRORES INTER SE PUGNANTES PRÆMIITUNTUR.

ANtequam ad Vindicias Augustinianas accedamus, pro mente S. Doctoris adversus Pelagium exponenda, oportet hæreticorum sibi adversantia dogmata breviter insinuare. Pelagius absolutè negavit omnem gratiam supernaturalem internam, tam actualem, quàm habituales, existimans hominem solis na-

5
tura viribus posse, & omnia praecepta implere, & aeternam consequi salutem. Semipelagiani errorem Pelagij temperantes, gratiam supernaturalem internam, & quidem, ut necessariam ad obtinendam salutem requirebant; oppinabantur tamen in negotio Praedestinationis aliquid libero arbitrio esse concedendum, videlicet, *Initium salutis*: quatenus Deus ad conferendum nobis primam gratiam, expectabat nostri liberi arbitrij usum naturalem, per modum meriti, aut dispositionis meritoriae; addeoque assererent primam gratiam nobis dari intuitu meriti naturalis.

In contrarium Bajus, Jansenius, & Quenellus, Lutheri, & Calvini vestigia prementes, docent: Liberum arbitrium per peccatum Adæ, ita extinctum, & inerme remansisse, ut intellectus, & humana voluntas, sine adiutorio gratiae, *Nilil habere luminis nisi ad aberrandum, virium nisi ad se vulnerandum*: quod confirmat Jansenius dicens: *In peccato ita perijt libertas arbitrij, ut ante gratiam proprie dictam non sit liberum à peccato abstinere*. Utrumque errorem Catholici DD. rejciunt asserentes: Non ita per peccatum originis extinctum esse mentis humanae lumen, quin plura cognoscat, & de multis rebus sanè, rectèque judicet: nec ita ignorantiae tenebris obnubilatum, quin naturae viribus absque speciali dono, & gratia Dei aliquas possit distributivè veritates naturae practicas cognoscere, & amplecti. Neque peccatum originale potest efficere, ut pereat humana natura, qua homo est essentialitèr cognoscitivus, & rationalis.

Similiter, humana voluntas non est ita per originale vulnus imbellis, & corrupta, ut viribus naturae, & generali Dei auxilio non possit pulchram honesti formam amare, quam nec odisse potest. Propterea, potest per illud naturae bonum, quod post peccatum remansit aliquid moralitèr bonum, sine speciali gratiae auxilio operari, praesertim, cum quaedam opera moralitèr bona adeò facilia sint, ut in illis saltem aliquando faciendis, nulla videatur esse difficultas, ut sunt obedientiam exhibere parentibus, imperitum docere, ægenum sublevare, non occidere, & alia plura, quae solo naturae ductu fecerunt gentes, & possunt facillimè fieri, praesertim ab eo, qui sortitus est animam bonam, bonitate indolis, quae est dispositio ad multa virtutum exercitia, ad quae ipsa natura inclinatur, & sine quibus, ut Augustinus dixit, vita cujuslibet pessimi hominis difficile invenitur.

Quenel. Prop. 39.

Lib. 4. de Stat. Nat. Lap. cap. 18.

18

Si hæc ita non sint oportet dicere : Hominem per peccatum originale nativum lumen , & omnem rationalem appetitum perdidisse , & in brutum fuisse conversum ; cum tamen nullum peccatum efficere possit , ut pereat in natura inclinatio in naturæ bonum , quæ fundatur tanquam in radice in ipsa natura rationali. Nihilominus Novatores cum Jansenio, contra communem Patrum , & Theologorum consensum acriter negant homini lapsio facultatem ad actus moraliter bonos intra limites naturæ eliciendos ; & sive dolo inscitiam affectantes , sive imperitè confundentes actum moraliter bonum ordinis naturæ , cum salvari merito , Pelagianismi incusant sententiam nostram , non obstante iterato Ecclesiæ fulmine adversus Bajum asserentem Art. 37. *Cum Pelagio sentit , qui boni aliquid naturalis , hoc est , quod ex solis naturæ viribus ortum ducit , agnoscit.*

Fide certum est contra Pelagium , & Malsilienses non posse hominem lapsum , absque divinæ gratiæ auxilio , & solis naturæ viribus , velle , facere , aut cogitare quidquam ad vitam æternam positivè conducens. *Sine me , nihil potestis facere* , Joann. 15. *Non quod sufficientes simus cogitare aliquid à nobis* , Apoc. 2. Cor. 3. id est opere , aut cogitatione conducente ad salutem : Quia cum visio beatifica sit quid supernaturale omnem naturæ creatæ , & creabilis exigentiam excedens , media ad ejus assecutionem esse debent omnes naturæ facultates excedentia. Potest tamen liberum arbitrium *ex se* , & per solas naturæ vires elicere actum moraliter bonum , quod , ut August. ait : Epist. 105. ad præsentis vitæ honestatem valeat : qui tamen nullo modo proximè , aut remotè ad salutem conducatur : *Gentes enim , quæ legem non habent naturaliter ea , quæ legis sunt faciunt.* Quæ verba Origenes , Hieron. Chrysost. Ambros. & alij Patres , passim apud Suar. accipiunt de gentibus non conversis ad Deum , qui naturaliter , id est , viribus , & lumine solius naturæ , in varijs bonè , & laudabiliter operantur ; de quo fuscè infra agemus.

Interim maximè observandum : quod dum SS. Patres enuntiant , gratiam esse necessariam ad omne opus bonum , intelligendi sunt de opere ad salutem conducente , quod constat ex addito *prout oportet* : ad Rom. 8. 16. Arausic. can. 6. & 25. Trident. sess. 6. can. 3. vel ut August. de Dono persever. cap. 3. *Quod attinet ad Dei cultum verum ; & ex eodem addito denotatur dari alia opera , quæ licet non sint sicut oportet , sunt tamen bona , pro quibus non est gratia necessaria.*

CARDINALIS NORIS NOVATORUM DOCTRINAM
propugnat, & Augustino adscribit: Tom. I. Vindicia
Augustiniana.

Neutiquam placet doctrina hucusque inducta Card. Norisio, qui tanquam immobile Augustini dogma statuere connatur in infidelibus nullas virtutes morales reperiri; imò & ipsamet virtutum exercitia, esse vera peccata, si solius arbitrij viribus eliciantur: ipsum audiamus cap. 3. §. 4. *In infidelibus nullae virtutes reperiuntur.* Et col. 940. ait: *Si quis eundem actum virtutis frequentèr, eique intentus studeat, sine speciali auxilio Dei, non potest à Phylantia, vel inani gloria temperare.* Ubi expressè factetur cum Luthero, Calvino, Bajo, Jansenio, & Quenello, in operante viribus solius arbitrij, & sine speciali gratia, impotentiam ad actum à vitio immunem.

Apertius loquitur cap. 4. §. 5. col. 1009. *Opera quae infideles faciunt semper sunt peccata, nisi ubi Deus aliquando quosdam bonos actus, ipsis nescientibus in eorum voluntatibus operatur.* Hæc limitatio impertinens est: quia cum actus, quos Deus operatur in infidelibus, ipsis nescientibus, non sint actus liberi arbitrij: nihil enim volitum quin præcognitum, consequentèrque neque liberi, neque voluntarij sunt tales actus: ergo posita tali limitatione, remanet absolutè verum, ex mente Cardinalis, *opera liberi arbitrij absente gratia, semper esse peccata.* Mentem suam immetitè adscribit Augustino, col. 933. 934. dicens: *Duo autem S. Doctòr asseruit. 1. Nullas in infidelibus esse virtutes ex solis liberi arbitrij viribus; alterum, si quae in eodem fuerint, easdem nunquam ipsorum voluntati, sed divinae gratiae esse adscribendas.* An hìc intendat ita removere voluntatis influxum in bonis operibus, ut Lutheranismum foveat, non disputo.

Hæreticorum placitis cogitationes istæ adèd adhærent, ut nesciam quonam pacto ab eorum proscriptis erroribus divelli queant: quod protinus ostendo testimonijs, quibus Ecclesiae, & libertatis hostes statuere tentant liberum arbitrium *ex se*, & sine gratiae influxo nihil boni, seu nihil, quod malum non sit posse producere.

Opera, quæ infideles faciunt viribus solis arbitrij, semper sunt peccata.

Si quis actum virtutis frequenter, sine speciali auxilio Dei non potest à vitio temperare.

QUENELLUS.

Sine gratia nihil amare possumus, nisi ad nostram condemnationem. Prop. 40.

I D E M.

Voluntas, quam gratia non prævenit:: est capax omnis mali, & incapax ad omne bonum. Prop. 39.

Id ipsum alijs quatuordecim propositionibus confirmat.

LUTHERUS:

Liberum arbitrium ante gratiam nihil valet, nisi ad peccandum.

B A J U S:

Liberum arbitrium sine gratiæ Dei adjutorio, non nisi ad peccandum valet. Art. 27.

I D E M.

Pelagianus est error dicere; quod liberum arbitrium valet ad ullum peccatum vitandum. Art. 28.

Liberum arbitrium ante gratiam, non solum non potest universam legem moralis honestatis implere, sed nec unum opus ejus:: & in omni actu, quo sibi videtur, vel legem observare, vel transgredi reus est alicujus peccati. Tom. 2. de Stat. Nat. Laps. cap. 18.

JANSENIUS.

In peccato perijt libertas arbitrij, ut ante gratiam propriè dictam, non sit liberum à peccato abstinere. Lib. 4. de Stat. Nat. Laps. cap. 18.

I D E M.

Viribus naturæ peccatum sine peccato non vitatur, nec lex ulla servatur. Tom. 2. de Stat. Nat. Laps. lib. 3. cap. 20.

CALVINUS.

Ut natura conditi sumus, citius ex lapide oleum, quam ex nobis opus bonum exprimitur. Lib. 3. Instit. cap. 14.

CALVINUS:

Constituimus ergo extra dubium, quæ vel summo splendore perspicua sunt opera, in hominibus nondum justificatis, tam procul ab esse à justitia coram Deo, ut peccata censentur. Ibidem cap. 4. §. 8.

Pro.

Probat Calvinus, & ex eo Novatores hoc assertum, iisdem S. Scripturæ, & Augustini testimonijs. Inde satis apparet quam germanus sit spiritus, & doctrina Cardinalis, dum aperte docet, liberum arbitrium, sine speciali gratia Dei non posse à vitio temperare, etiam dum virtutes exercet: quod intulit Lutherus art. 32. *Opus bonum optimè factum est peccatum veniale.* Et art. 36. *Liberum arbitrium post peccatum est res de solo titulo, & dum facit, quod est in se peccat mortalitèr.*

§. IV.

SCRIPTURÆ SACRÆ, SS. PATRES, ET RATIONIS
lumen adversantur doctrinæ Norisianæ.

IN primis Scriptura Sacra passim commemorat aliqua bona opera infidelium: beneficium ab obstetricibus Ægypti Israelitis præstitum quod Deus remuneratus est, ædificando eis domum. Exod. I. v. 11. *Quia timuerunt obstetrices Deum, ædificavit eis domum.*

Ezechiel 19. v. 18. *Mercēs non est reddita ei (Nabuco Donofori) neque exercitui ejus de Tyro, pro servitute, qua servivit mihi adversus eam.* Hic Hyeron. ait: *Ex eo quod Nabuco Donosor mercēdem accipit boni operis, intelligimus etiam Ethnicos, si quid operis boni fecerint, non absque mercede Dei judicio præteriri.*

Daniel 4. v. 24. *Quamobrem Rex consilium meum placeat tibi; & peccata tua eleemosynis redime.*

Augustinus pluribus ostendit etiam Ethnicos aliquid boni facere. Epist. 130. dicit Solomenem à Xenocrate ad temperantiam, & continentiam fuisse conversum. Et lib. 6. de Civitate Dei, cap. 15. ostendit: Deum favisse Romanos in amplificando imperio, propter bona opera moralia ab iisdem præstita, voluisseque in hac vita talia opera remunerari: Ex quibus sic: Nulla peccata remuneratur Deus: Sed aliqua opera infidelium remuneratur. Ergo aliqua opera infidelium non sunt peccata.

Ad Rom. 4. v. 7. *Gentes, quæ legem non habent, naturalitèr ea, quæ legis sunt faciunt.* Exponunt de Infidelibus Chrysofost. Theodor. Theophil. Æcumenius, Haym. Primasius, Sedulius, & Tertul. lib. de Corona Militis, cap. 6. *Apostolus ad Rom. dicens natura facere nationes, quæ sunt legis, & legem naturalem suggerit, & naturam legalem.*

August. Meritò dici potest in ipsa impietate vitę suę (Gentiles) facere aliqua legis, vel sapere. de Spir. & Lit. cap. 27. & 28.

Idem. Non censeari potest ita extincta arbitrij libertas, ut in nullo prorsus opere possit se rectę rationi, & legis regulę conformare. Ibidem cap. 27.

D. Thom. Sine gratia homo potest facere opera perducentia ad bonum aliquod homini connaturale. 1. 2. q. 109. art. 5. Natura humana per peccatum non est totalitèr corrupta ::: potest quidem in statu naturę corruptę, per virtutem suę naturę aliquod bonum particulare agere. Art. 2.

D. Thom. 2. 2. q. 10. art. 3. Dicendum quod per infidelitatem non corrumpitur totalitèr in infidelibus ratio naturalis, per quam facere possunt aliquod opus de genere bonorum. Et art. 4. Manifestum est, quod infideles non possunt facere opera, quę sunt ex gratia, scilicèt, opèra meritoria, tamen bona opera ad quę sufficit bonum naturę, aliqualitèr possunt facere, unde non oportet, quod in omni opere suo peccent.

Bonavent. in 2. dist. 28. ad 3. q. 3. Hominis liberum arbitrium in puris naturalibus constitutum, cum generali Dei influxu, tamen si difficulter, potest facere opus bonum morale, quod non disponat ad gratiam, nec ad gloriam.

Basilii. Sunt apud nos ipsę virtutes secundum naturam, ad quas habendas affinitas animę, non ex humana doctrina, sed ex ipsa natura nobis adesse videtur. Hom. 9. in Exameron.

Damasceus. Naturales virtutes sunt, & æque omnibus insunt, & si non omnes æque ea, quę naturę consentanea sunt operentur. 3. de Fide, cap. 24.

Gregorius. Sunt nonnulli, qui diligunt proximos, sed per affectum cognationis, & carnis, quibus tamen in hac dilectione, sacra eloquia non contradieunt.

Chrysoft. Per hæc rursus ostendit Deum sic hominem finxisse, ut possit per se virtutem eligere, & vitium declinare. Hom. 5. Epist. ad Rom.

Hieronimus. Inter ipsos quoque Ethnicos est diversitas infinita: cum sciamus quosdam esse proclives ad vitia, alios ad honestatem morum virtutibus deditos. In cap. 22. Matth.

Idem. Multi absque Fide, & Evangelio Christi, vel sapientèr faciunt aliqua, vel Sancte, ut Parentibus obsequantur; ut inopi manum porrigant, non aliena diripiant. In cap. 1. ad Galat.

Quis dicat hominem, sive peccator fidelis sit, sive infidelis, dum

dum miseretur pauperis, dum parentes honorat, dum depositum fideliter servat, dum discordes conciliat, dum casu, & per fortunam lapsis auxilium prestat, aut alia plura facit juxta dictamen recte rationis, quod, ut definit Tridentinum, non fuit per peccatum extinctum, peccare? Id planè lumini naturæ repugians videretur: Nam si quis Gentilis naturali pietate pauperis miseretur tali opere non meretur pœnam: ergo non peccat: quia omni peccato pœna respondet. 2. Gentilis qui parentes honorat, tali opere non fit deterior: ergo non peccat: quia omni peccato, peccator fit deterior; sanè qua mente asseratur Deum in his operibus offendi penitèns ignoro.

Profectò si liberum arbitrium dum consideratur adjutum à Deo auxilijs ordinis naturalis dumtaxat, nihil potest nisi peccare, longe major statuitur naturæ humanæ calamitas, quam bestiarum: quis enim non amet potius nihil habere virium, quam viribus pollere solùm ad peccandum. Hinc damnata sunt Prop. 2. Baij: *Cum Pelagio sentit, qui textum Apost. ad Rom. 2. Gentes, quæ legem non habent naturalitèr ea, quæ legis sunt faciunt, intelligunt de gentibus fidei gratiam non habentibus.* Et Prop. 26. *Omnia opera infidelium sunt peccata.*

S. V.

ARTICULUS A TRIBUS PONTIFICIBUS PROSCRIPTUS;
à Card. Norisio defenditur, & tanquam Dogma Catholicum probatur.

EX hoc Apost. textu: *Omne, quod non est ex fide peccatum est.* Ad Rom. 4. 23: Intullit Bajus, Janfenius, & Quenellus, quibus adhæsit Noris: ergo omnia opera infidelium sunt peccata. Quod in art. 25. Baij damnare S. Pius V. Greg. XIII. & Urban. VIII. Nihilominus de eodem articulo in proprio, & literalis sensu, prout jacet, audet proferre Noris: *Esse verum, & Catholicum. Esse dogma traditum ab Apostolo. Firmatum constantèr ab Augustino. Definitum ab Ecclesia; ut legitimè deductum ex Apostolo ad Rom. 4. 23.*

Hæreticam istam conclusionem sic intendit suadere Card. Noris. Omnia opera, quæ non diriguntur à fide in ultimum finem, sunt peccata. Sed opera infidelium non diriguntur à fide, ut patet: ergo omnia opera infidelium sunt peccata. Itaque duplici ex capite peccati arguit omnia infidelium opera: 1. Ex defectu relationis ex fide in Deum. 2. Ex Phylautia quam irreparabi-

bilièr contrahunt, aqua non possunt orbari fide temperare. Infideles non operantes propter Deum ultimum finem (ait) cadunt irremediabiliter ab actu virtutis in Phylautiam. Cap.3. §. 4. col. 938. Opera sterilia non posse dici bona, sed tantum mala, tum ex defectu relationis in Deum, tum ex Phylautia inde contracta. Et cap. 4. §. 5. col. 1051. Omne quod non est fide, aqua sola bonum opus, saltem virtualiter, referri potest, peccatum est. Dictamen conscientie à fide dirigendum est, aqua sola in ultimum finem opus refertur. Iterum, atque iterum phrasibus diversis statuit: Quod sola absentia fidei sufficit, ut omnia opera sint peccata. Hanc Positionem Amplicter.

JANSENIUS.

Sola absentia fidei sufficit, ut omnia opera infidelium vera sint peccata. Tom. 2. de Stat. Nat. Lap. lib.4. cap.3. col.553.

I D E M.

Ante fidem non est humano arbitrio liberum à peccato abstinere, sed quocumque se verterit, quaedam humanis viribus insolubili peccandi necessitate tenetur. Ibidem lib.3. cap.14. col.496.

I D E M.

Nuge, delirium, insania, error, impietas, contraria christianorum sensui, scripturis, & fidei, quod infidelium sit ulla vera virtus, vel opera sine peccato. Ibid. lib.4. cap. 17. col. 627.

QUENELLUS.

Quid aliud esse possumus absque fidei lumine nisi peccatum. Prop. 48. vide ipsum à Prop. 44. ad 58.

LUTHERUS.

Opera extra fidem facta, ut maxime in speciem sancta videantur, sub peccato, & maledicto sunt. In Epist. ad Galat. cap.4.

CALVINUS.

Antequam per fidem reconcilientur Deo, quidquid cogitat, meditat, perficit homo, est maledictum, nec modo nullius pretij: sed certi indammationem meriti: Lib.3. Inst. cap.14. §.4.

I D E M.

Constituit igitur Augustinus; omnes Fabricios, Scipiones, Catores, in illis suis preclaris facinoribus hoc peccasse, quod cum fidei luce carerent, non ad eum finem ipsa retulerunt ad quem referre debuerunt. Ibid. cap. 14. §. 3.

I D E M.

Sine fide, que videntur bona opera in peccata vertuntur. In Antid. Trident. sess.6. cap.7.

IDEM.

I D E M.

Peccant infideles , quidquid agant , quod facta sua non ad legitimum finem referant. Ibid.

catum est. Lib.4. cap.6. num.1. Qui utitur iisdem testimonijs script. Et D. Aug. quibus id probat Jansenius.

PETRUS DICTUS MARTYR

Qui regenerati non sunt , nihil quod Deo placeat prestare possunt , imò quidquid agant semper peccant. In Epist. ad Rom. cap.9. v.13.

MELANCTHON.

Consonat. in Epist. ad Rom. cap.14. v.4.

CHEMNITIUS.

Infidelium opera , non inter bona opera recensenda sunt , sed inter peccata. In Exam. Trident. in sess.6. Can. 1. & 7.

I D E M.

Præclara infidelium opera damnari non possunt humano iudicio , coram Deo tamen peccata sunt. Ibidem cap.2. v.14.

BUCCERUS.

Quod fide caret , non modo in-gratum , sed abominabile est coram Deo. In Epist. ad Rom. cap.14. v.23.

CHAMIERUS.

Quidquid fit absque fide pec-

Hæc omnia confirmant Assertionem , & probationem Cardinalis Noris : dum ait : *Omne quod non est ex fide , aqua sola bonum opus , saltem virtualitèr , referri potest peccatum est. Quod de vera fide christiana intelligendum putat. §.5. col.1048.*

Talia intulerunt enumerati Ecclesiæ hostes ex illo Apost. ad Rom. *Omne quod non est ex fide peccatum est.* Communis SS. Patrum , & Theologorum interpretatio est cum D. Bern. de Præcep. & Disp. cap.18. & 20. *Omne quod non est ex conscientia peccatum est.* Quia Apostolus ibi loquitur de eo , quod non fit ex dictamine conscientiæ judicantis bona fide , licitum esse id quod fit. Ægre fert Noris interpretationem istam , tanquam Augustini menti contrariam , & arguit ignorantæ Marainum juxta mentem D. Bernardi interpretantem : *Ignorantia Maraini (ait) castiganda est , & addit : Dictamen practicum conscientiæ non sufficere , ut à peccato liberetur homo , nisi à fide christiana dirigatur. Col. 1050. & 1051.* Itaque ex mente Card. concludendum est. Prop. 8. & 15. inter 31. ab Alex. VIII. damnatas : *Necessè est infidelem in omni opere peccare.* Et Baij Prop. 10. 11. 12. & 13. subsistere , necnon Eajanam 25. *Omnia opera infide-*

lium sunt peccata esse veram, & catholicam, cum toties sit ab Ecclesia damnata.

Respondet Noris: Hanc propositionem secundum se, & in proprio, & riguroso sensu minimè esse damnatam, sed tantùm respectivè, & ut derivatam ex illa Proposit. 35. *Omne quod agit peccator peccatum est*, quæ, ut hæretica damnatur à Trident. sess. 6. Can. 7. sed contra: Quia hæc potius cavilatio, quam solutio, & quæ minimè sapientissimum Theologum decet. 1. Quia semel admissa hac solutione, fere omnes Ecclesiæ definitiones, ut illusoriæ, & in ludibrium hæreticis exponentur. Et quidem Lutherus, Calvinus, Bajus, Jansenius, Quenellus, & cæteri nuper memorati, qui diversis phrasibus eandem doctrinam cum Norisio enunciant, hujus exemplo jactabundi vocitare poterunt, suas enunciationes veras, & catholicas esse, & minimè ab Ecclesia rejectas, in proprio, & literali sensu, sed tantùm respectivè, & ut derivatas ex alia propositione hæretica, & damnata, quam sibi pro nutu feligant, vel effingant; cum certum sit enumeratas hæreticorum propositiones, nihil aliud asserere nisi quod *omnia opera infidelium sunt peccata*, quæ, juxta Norisium, ut dogma fidei proponitur credenda propositio.

Contra 2. Ecclesia utramque propositionem 25. & 35. divisim, separatim, & unam independentè ab alia proscribit; Quis autem, quo jure? Aut sine cavilo autumet unam, & eandem in utraque damnari, & alteram illæsam, & catholicam permanere? SS. Pontifices, & Censores Romani optimè norunt, quod licet omnes Gentiles sint peccatores, non omnes peccatores sunt Gentiles: quare in 35. damnantur asserentes omnia opera peccatoris, ex defectu charitatis referentis (quod valdè cordi fuit Luthero, & Quenello) esse peccata. In 25. proscribit sustinentes omnia opera infidelium, ex defectu relationis per fidem, peccata esse: Immeritò ergo Noris, ut suam proscriptam sustineat sententiam, intendit utramque propositionem confundere, volens insuper, ut nebulam spargat, relationem ex dilectione ortam, cum relatione ex sola fide procedente conglutinare.

Contra 3. Si vestigijs Baij inhærens fatetur, quod omnes affectus studiosi, etiam si ex cognitione naturali Dei, sine gratia promanentes vanitate, Phylautia, & præsumptione deturpanur, quomodo declinabit damnationem Prop. 41. Quenelli: *Omnis cognitio Dei, etiam naturalis in Phylosophis Ethnicis, sine gratia*

tia non proluceat nisi præsumptionem, vanitatem, & oppositionem ad ipsum Deum. Deindè: Si vera est Quenelli, & Noritij propositio: quomodo Apost. à Rom. 1. dicit de Gentilibus fidei gratiam non habentibus inexcusabiles esse: *Qui cum cognovissent Deum, non sicut Deum glorificaverunt, sed evanuerunt in cogitationibus suis.* Excusatio quidem in promptu erit eis, quos Apostolos tanquam inexcusabiles increpat: poterunt enim dicere: Quid mirum nos Deum non glorificasse, si omnis cognitio Dei sine gratia non parit nisi vanitatem, præsumptionem, & superviam? Quid mirum: Si sine fide christiana non possumus à Phylautia temperare? Si absente fide irreparabiliter in vitium cadimus?

Itaque dicendum est: Cognitionem Dei naturalem, etiam in infidelibus de se, pios affectus excitat naturales, erga summum bonum naturæ viribus cognitum, imò, & conspectum, ex Rom. 1. *Invivibilia ipsius à creatura mundi, per ea quæ facta sunt intellecta conspiciuntur, sempiterna quoque ejus virtus, & divinitas.* Ita ut inexcusabiles sint dum Deum non glorificant. Dei quippè cognitio nobis indita est à natura, ut homines naturæ ductu suum diligant conditorem, quamquam ipsi ex sua culpa, hac ipsa naturali numinis cognitione abutantur evanescentes in cogitationibus suis.

Nos igitur cum Augustino contra Pelagium dicimus: Quod omnes actus, qui ex officio, sive ex objecto boni videantur, si pravo eliciantur sine contrahunt turpitudinem, nec virtutes esse possunt, sed potius absolutè, & simpliciter sunt vitia: si enim accessione relationis illicitæ viciantur, ipsi pariter necessè est deturpentur, ut si in Idoli cultum quid præstet, vel ex vanitate eleemosynam largiatur, vel aliam virtutem ex pravo fine exerceat; sin vero immunitate à culpa, & morali bonitate gaudent prædicti actus, quibus adest sufficiens relatio ad Deum inclusa in ipsa formali bonitate morali, sive humilitatis, sive misericordiæ, aut aliarum virtutum. Nam juxta D. Thom. *Cum aliquis infidelis ex dictamine rationis aliquid bonum facit, non referendo ad malum finem, non peccat; non tamen opus ejus est meritorium, quia non est gratia formatum.* Cap. 14. Epist. ad Rom. lect. 3.

ALIA AUTHORIS EFFUGIA PROSCRIBUNTUR.

1 **A** sserit Noris : *Infideles aliquos actus bonos elicere, ad quos à Deo præmoventur, qui profectò peccata esse non possunt, utpotè efficiuntur Spiritus Sancti impulsu; non quidem inhabitantis, sed tantùm moventis: & cum Bajus tantùm agnovisset gratiam Spiritus Sancti inhabitantis in anima, & hæc gratia in infidelibus non reperitur, hinc arbitrabatur nullum in infidelibus auxilium gratiæ reperiri, consequenterque negabat actus bonos ab infidelibus fieri.*

2 Hæc tamen non satis sibi constans parat Cardinalis, ut facile cuivis ejus doctrinam perpendenti constabit. Præterea hæc excusatio crimine pejor est: Nam legitimè ex ea inferitur, omnia opera, quæ non fiunt ex gratia supernaturali, peccata esse: Quia idèd per te talia opera peccata non sunt: quia efficiuntur ex impulsu Spiritus Sancti moventis. Ergo opera, quæ ex tali impulsu non efficiuntur sunt peccata: ergo infidelis tali gratia orbatus, & solis viribus naturæ relictus in omni opere suo peccat. Ergo nec levissimam tentationem potest sine gratia superare. Ergo liberum arbitrium non nisi ad peccandum valet: ergo omnia quæ in Superioribus à Sede Apostolica proscripita ostendimus devorabit Noris.

3 Ultimo reponit Emin. *Cum illa propositio omnia opera infidelium sunt peccata, etiam post editam Bullam contra Bajum à nobilissimis Theologis defendatur, palam sit, in recto sensu posse intelligi, à quo procul fuit Bajus, unde meritò eadem thesis ab Apostolica Sede proscripita fuit; sed quis hæreticorum, vel ridiculus, passim id ipsum non effudit? Nempè se proferre Sacras Scripturas in eodem sensu, in quo Spiritus Sanctus locutus est, & suas propositiones juxta legitimum sensum Augustini, SS. Patrum, & Conciliorum. Jansenistæ non diffitebantur suas Conclusiones sensum Calvinianum admittere, se vero talem sustinere sensum negabant. Quenelliani non rari fatentur suas enunciationes Jansenij sensum redolere, acriter tamen ferunt, & pro viribus renuunt audire se Jansenij sensum amplecti, sed alium verum, & orthodoxum.*

4 Hoc itaque effugium Jansenio, & Quesnello familiare fuit, videlicet, eos in sano sensu sua dogmata accipere, non in

eo in quo ab Ecclesia proſcribuntur, ſi tamen ſenſus damnatur, illico recurſus fit ad quaſtionem *facti*, & *juris*. Quis iſte ſenſus ſit rectus, in quo accipi queat praedicta propoſitio damnata, reſtict Noris; niſi fortè velit ſufficere ſenſum ab ipſo importunè inventum, & à nobis, ut abſurdum repudiatum.

5 Qui ſint iſti nobiliſſimi Theologi, qui poſt editam Bullam contra Bajum, proſcriptum Baij articulum ſuſtinuerunt, novimus: Sunt quidem Cornelius Janſenius Epifcopus Ipreſis, ipſi Noriſio Fildus, Quenellus, Abbas Sancyranus, Gerberonius, & alij Janſeniſimi Proceres, & contra Bullam *Unigenitus* acerrimi refractarij. Alij qui ſint ſilencio praemittimus; memorat tantum Baſilium Pontium; quo jure probabilem exiſtinet praedictam propoſitionem non capio, conſtat enim S. Pium V. Greg. XIII. & Urban. VIII. eandem proſcripiſſe in eodem ſenſu, in quo, & ipſe Noris ſubſiſtere conatur. Inſuper poſſe Articulum damnatum in aliquo ſenſu pro libito, ſeu violentè excogitato ſuſtineri, quid favet Emin. ut ipſe eundem Articulum defendat, in proprio, & literali ſenſu, in quo accipitur à Calvino, Luthero, Janſenio, & Aſſectis?

6 Sed gratis admiſſo ſenſum aliquem diverſum admittere ſeire à Noriſio velim: An Poſtquam Pontificia Conſtitutiones, in materia dogmatica aliquam propoſitionem, prout jacet, & in propria, & naturali ſignificatione proſcribunt, alicui liceat ipſamet, in terminis, & prout jacet defendere, docere, aut diſputare? Neutiquam, ait Urban. VIII. in Bulla contra Bajum. *Quamquam nonnullae, aliquo pacto ſuſtineri poſſent, in rigore, & proprio verborum ſenſu, ab aſſertoribus intento: hereticas, erroneas, & ac quaecumque ſuper his verbo, ſcriptoque emiſſa praesentium auctoritate damnamus, deque eiſdem, & ſimilibus, poſthac quoque pacto loquendi, & ſcribendi, ac diſputandi facultatem quibuſcumque interdiciamus.*

7 Clem. X. in Conſt. *Unigenitus*: *Mandantes omnibus Chriſtifidelibus, ne de dictis propoſitionibus ſentire, docere, predicare, aliterve praefumant, quam in hac noſtra Conſtitutione continentur. Ita ut quicumque illas, vel illarum aliquam docuerit, defenderit ediderit conjunctim, vel diviſim, aut de eis etiam diſputative, publice, aut private tractaverit, niſi forte impugnando Eccleſiaſticis cenſuris: abſque alia declaratione ſubjaceat. Si tamen his non acquieſcat Cardinalis Noris, ut haec Prop. Omnia opera infidelium ſunt peccata ſui ingenijs artibus ſubſiſtat: Liceat dicere cum Alex. VII. Neque enim de-*

ficere homines, neque desunt, veritati non acquiescentes :: qui varijs distinctionibus, seu potius effugijs, ad circumventionem erroris excogitatis, Ecclesiam ipsam turbare, eamque interminatis quæstionibus, quantum in ipsis est, & implicare conantur.

§. VII.

MAGNI AUGUSTINI TESTIMONIA, QUIBUS INSULTANT
Janseuiste, expenduntur.

PRiusquam ad argumenta accedamus præsertim ea, quibus ex Augustino Novatores abutuntur, ut irritas Ecclesiæ definitiones efficiant, opere pretium duxi opportunum præmittere documentum, ut errandi occasio penitus præcidatur. Nec rari sunt, qui fervore nimio, aut injurioso cultu aded in Magni Parentis verba jurent, ut bellum Ecclesiæ inferre videantur, quasi cum hæreticis, tam antiquis, quàm Novatoribus, illud ab Alex. VIII. proscriptum velint proclamare: *Ubi quis invenerit doctrinam in Augustino clarè fundatam potest illam absolutè tenere, & docere, non respiciendo ad ullam Pontificis Bullam. Stultum tamen est Augustini opuscula æquare libris Canonicis.* Mag. Cano de Loc. Theol.

Prop. 3.

Bajus occasione Prop. 27. damnata: *Liberum arbitrium sine gratiæ Dei adjutorio non nisi ad peccandum valet.* In Apolog. ad S. Pium V. dicebat: *Hæc sunt ipsissima verba Augustini: fere omnes hæretici omni ævo, Magni Augustini nomen, & Patrocinium affectarunt.* In Augustini verbis exultabat Berengarius. Joann. Wiclefus, *Joannes Augustini* ab ejus discipulis nuncupabatur. Lutherus frequentè gloriabatur dicens: *Augustinus totus noster est.* Calvinus non nisi Augustinum crepabat: *Aded totus noster est Augustinus* (ajebat) *ut si mihi confessio scribenda sit, ex ejus scriptis contextam proferre abundè mihi sufficiat.* Quare omnes Hætherodoxi opinantur se turò posse sua dogmata propugnare per recursum ad statum Augustini. Janseuius non alio titulo opus suum insignire voluit quam *Augustinus Cornelij Janseuij*, ejusque Sectatores anthonomasticè *Discipuli Augustini* dici cupiunt. Quænellus ait: *Se doctrinam observationibus moralibus expressam hausisse ex S. Augustino, & Thoma: Quasi umbra Augustini tuti sint adversus fulmina Vaticanæ omnes Ecclesiæ hostes.* Jam pridem DD. Catholici doctrina, & pietate laudabiles agnoverunt D. Augustinum Pelagianismi odio, & disputationis æstu in contrariam partem in-

inclinaſſe , ut præſepè Calvino potiùs , quam Tridentini Patri-
 bus favere videatur. Id negare non eſt ingenuæ mentis argumen-
 tum. D. Thom. in Cathena in cap. 1. Joan. lect. 7. ait : *Antiqui*
DD. & Patres emergentes errores circa fidem proſequebantur , ut in-
terdum viderentur in errores labi contrarios. S. Gregorius Thaumaturgus
 contra Elianum , dum Polytheiſmum oppugnat , ita de Deo uno
 agit , ut videatur cum Sabelio confundere perſonas. Dionif. Alex.
 dum Sabelium confutat , ita perſonas diſtinguit , ut videatur , &
 ipſam dividere naturam. Sic Aug. dum Pelagianos errores ar-
 guit , hæreſis odio abrectus talitèr eos confundit , ut videatur
 libertatem evertere cum Calvino ; & pariter dum libertatem pro-
 tegit , ita eam extollit , ut ſentire videatur cum Pelagio.

Hæc cum ita ſint , & à nemine negari queat : verùm , & in-
 genuum Auguſtini diſcipulum non decet , ita S. Doctõris verba
 accipere , quaſi de eorum infalibilitate præſumat , cortice ver-
 borem inſpecto ; nec id erga tantum Eccleſiæ lumen reverentiã
 exigit , nec veritas permittit : cum & ipſe Aug. de dono perſev.
 cap. 21. dicat : *Neminem velim , ſic amplecti omnia mea , ut me*
ſequatur , niſi in his in quibus me non errare perſpexerit. Et Epift. 8.
 ad Hieron. ait : *Negare non poſſum , nec debeo , ſicut in ipſis ma-*
ioribus , ita multa eſſe in tam multis opuſculis meis , quæ poſſint juſto
judicio , & nulla temeritate damnari.

Solita claritate Mag. Cano lib. 7. de Loc. cap. 1. n. 3. ait : *Au-*
guſtinum errare in rebus obſcuris , & quæ non erant eo tempore ex-
plicatæ , & definitæ. Hunc imitatur Abulentiſis dicens : Conſtat , quod
Aug. in multis erraverit , cum ſcriberet :::: de Auguſtino conſtat , quod
potuit errare , & in multis erravit , quorum quedam retractavit , alia
verò retractare non potuit. Fatendum ergo eſt , mentem Auguſtini
 in pluribus eſſe obſcuram , & à nonnullis male intelligi , qui ſi
 judicio Eccleſiæ non ſe ſubmittant , ex verbis Auguſtini , ſicut
 ex Scripturæ Sacræ verbis perverſa dogmata exhaurire poterunt.

Auguſtinum de more Novatores in ſubſidium vocant , dicen-
 tem de Sp. & lit. cap. 3. *Neque liberum arbitrium quidquam niſi ad*
peccandum valet.

Reſp. Si Aug. in rigore verborum intelligatur incidit in
 27. Baij damnatam : quare dicendum eſt , ibi Auguſtinum con-
 ſiderare opera , quæ ad ſalutem conducunt , ad quæ ſine gratia
 nihil valet liberum arbitrium. Dum ait : hoc non niſi ad pec-
 candum valere , loquitur juxta communem modum loquendi , quo
 dicimus de homine mendaciſſimo : hic homo non loquitur niſi
 men-

mendacia , quamvis subindè non raro loquatur verum . Fatemur liberum arbitrium , sine gratia frequenter peccare , attamen asserere quod sine gratia non valet nisi ad peccandum apertum Bajanissimum est .

2. Aug. ait : *Gratie Dei deputo quaecumque non feci mala* . Ergo omnia opera , quæ à gratia non procedunt mala sunt .

Resp. Cum ab Ecclesia definitum sit posse voluntatem humanam , sine speciali gratia Dei , vincere levissimam tentationem , & Aug. in objecto textu , nec levissimam tentationem excludat , ne definitioni Ecclesie obstat , interpretandus est de vitatione peccati , & de victoria conducenti ad salutem .

3. Aug. Epist. 106. *Nos dicimus , quod sine gratia arbitrium non valet ad non peccandum* .

Resp. S. Doctorem hic loqui *indefinite* , id est , liberum arbitrium sine gratia non valet ad omne peccatum vitandum . Neque immorari licet in uberiore explicatione cum hæc , & plura , quæ ex Augustino congerunt refractarij ex superius traditis facile solvantur .

4. Celestinus Papa ad Episcopos Gallie : *Nemo nisi per Christum bene utitur libero arbitrio* . Resp. *benè* id est : *Salutariter* , seu prout oportet nemo utitur libero arbitrio .

5. Concil. Arausicanum Can. 22. *Nemo habet de suo nisi mendacium , & peccatum* . Ergo liberum arbitrium ex se , & de suo non valet nisi ad peccandum .

Antequam SS. Pontifices S. Pius V. Greg. XIII. & Urban. VIII. prædictum Bajii articulum damnarent , facultas Theologica Parisiensis anno 1560. adversus hanc propositionem : *Liberum arbitrium ex se , non potest nisi peccare , & omne opus liberi arbitrij sibi demissi est peccatum* : Induxit : *Hæc propositio pro utraque parte est hæretica* . Et contra hunc Articulum : *Homo faciendo quod est in se peccat , & non potest non peccare faciendo quod est in se* : Intulit : *Hæc propositio est hæretica* . Eadem facultas , postquam Bajus proscrip-tus fuit anno 1644. reposuit : *Ne probent , vel suscitant prædictas propositiones per Bullas Pij V. Greg. XIII. & Urban. VIII. SS. Pontificum , proscrip-tas* .

Resp. Conc. Arausicanum hic agere contra Pelagium , qui non tantum gratiam supernaturalem internam denegabat , sed etiam generalem Dei concursus , & providentiam : Itaque juxta mentem Concilij *ly de suo* , non significat , *sine gratia* , sed longè generalius accipiendum est . Ostendit enim Conc. quam

quam nihil possit homo sine Dei adiutorio *in genere*, & sine generali Dei concursu, in quo sensu de fide est neminem habere de suo nisi mendacium, & peccatum, hoc quidem ita habet de suo, & ita ipsius proprium, ut homo solus, & non Deus sit Author peccati. Igitur longè aliud intendit Conc. quam Novatores: hi intendunt omnes voluntatis actiones deliberatas esse peccata. Conc. & Augustinus (à quo omnes ferè Canones Arausiaci desumpti sunt) contra Pelagium, qui liberi arbitrii vires superbè extollebat, protulerunt; unicè esse à voluntate nostra peccatum, quod tantùm, secùs meritum, ipsi soli verè tribuendum venit.

CARDINALIS DE NORIS TOM. 4. HISTORIÆ GOTHES-
calcanæ Synopsis, cap. 3. col. 707.

PAUL. I. TIM. 2.

Deus vult omnes homines salvos fieri.

NORIS.

Deus non vult omnes homines salvos fieri.

§. VIII.

NORISII SPIRITUS, ET CONTROVERSIAE TERMINI
explicantur.

Gothescalcus Monachus de varijs circa fidem erroribus convictus, primo in Concilio Moguntino damnatus, postea in Galliam depulsus, & ibidem relapsus in Carisiaca Synodo, Præside Hincmaro Archiepiscopo Rhemensis, tanquam hareticus pertinax, & incorregibilis punitur. Crisim, plus justo fervidam Norisii, & nimis adversus Hincmarum acrem, in defensionem Gothescalci, libentè præteredò, & de hujus doctrina, quam sibi Noris propugnandam suscepit, & immeritò Augustino adscripsit, sermonem instituo.

Hæc, prout ex Hincmari verbis à Norisio exponitur sic se habet: „ Non vult Deus omnes homines salvos fieri, sed tantùm eos, „ qui salvantur; omnes autem salvari, quoscumque ipse salvare voluerit, ac per hoc quicumque non salvantur, peritùs non esse voluntatis illius, ut salvantur: quoniam si non omnes salvantur, quos „ vult Deus salvos fieri, non omnia quæcumque voluit fecit, & si „ vult, quod non potest, non omnipotens, sed infirmus est; est autem „ omnipotens, dicente Scriptura, omnia quæcumque voluit fecit „ in Cælo, & in terra. Hæc, in quibus apertus Jansenismus, &

Calvinismus respirat adoptare placuit Norisio, qui immediatè subjicit: *Et hæc pariter Gotthescalci assertio, & ejus probatio de sumpta est ex Enchiridio Divi Augustini, cap.96. & 97.*

Ubi, ut vides, doctrina Gotthescalci, qua penitus excluditur à Deo omnis voluntas salvandi eos, qui non salvantur, admittitur à Norisio tanquam vera, & orthodoxa, atque Augustino tribuit hoc assertum, & ejus probationem, quasi hoc discursu error de veritate triumphet: Deus est omnipotens, ergo quæcumque voluit fecit: ergo si vult omnes homines salvos fieri, omnes infallibilitè salvantur, sed non salvantur omnes; ergo Deus non vult omnes homines salvos fieri.

Miror quidem Eminentif. Theologum tam crudam conclusionem apertissimè Apostolo contradicentem deglutire, eamque, nulla præmissa explicatione, aut distinctione ex his, quæ passim à Theologis adhibentur, Augustino tribuere. Miror iterum tali discursu, cui nec Tyro fideret vix Theologiæ terminis initiatus, velle suam conclusionem subsistere. Profectò neque ipsi Calvinistæ, aut Lutherani adeò desipiunt, ut Apostolo absolutè dicenti: *Deus vult omnes homines salvos fieri*, audeant apertè contradicere: quare in varias hujus loci interpretationes diffunduntur.

Calvinus, Beza, Janfenius, & Norisio fidelissimus Quenel, uno ore cum Apostolo fatentur: *Deum velle omnes homines salvos fieri*; at tamen *ly velle*, & *ly omnes* diversimodè interpretantur. Deus vult (inquiunt) sed voluntate metaphorica, & impropria, quæ ab Scholasticis voluntas *signi* appellatur, qualis fuit illa voluntas de Isaac sacrificio, quod Deus minimè voluit, sed tantum Abrahamum obligari, ejusque fidem probare. Deus (dicunt alij) *voluit* non tamen vera, & serâ volitione; sed nuda quadam velleitate sterili, nullam gratiam, aut auxilium causante, quo possent homines salvari. *Voluit* Deus (fatentur alij) sed voluit antecedentè ad peccatum Adæ, secus vero consequentè ad peccati prævisionem.

Deus voluit *omnes* salvari, sed *ly omnes* (ajunt) debet intelligi, non pro singulis generum, sed pro generibus singulorum: ad modum quo dicimus, omne animal fuit in Arca Noe: quatenus videlicet nulla est natio, clâs, ordo, professio, status, aut hominum genus, ex quo non voluerit aliquos salvos fieri, minimè vero voluit salvos fieri omnes, & singulos: voluit demùm salvare omnes, id est, omnes prædestinatos, unde tantum voluit salvare omnes, qui salvantur. Hanc restrictionem ad

solos prædestinatos hausit ex Luthero, & Calvino Jansenius, cui videtur adhærere cum Quenello, & Gotthescalco Noris, ut jam ostendo.

APOST. I. TIMOT. 2.

DEUS VULT OMNES HOMINES SALVOS FIERI.

NORIS.

Deus non vult omnes homines salvos fieri, sed tantum eos, qui salvantur.

Sed tantum salvantur prædestinati: ergo Deus tantum vult salvare prædestinatos. *Hæretica.*

NORIS.

Quicumque non salvantur, penitus non est voluntatis illius, ut salventur.

NORIS.

Deus, cum sit omnipotens quæcumque voluit fecit: ergo noluit salvos facere eos qui non salvantur.

NORIS.

Omnes salvantur quoscumque Deus salvare voluerit.

Sed nullus reprobis salvatur: ergo Deus nullum ex reprobis salvare voluit.

QUENEL. Prop. 12.

Quando Deus vult salvare animam effectus indubitabilis, sequitur voluntatem Dei.

QUENEL.

Non est ausus Quenel. adedè apertè Jansenismum profiteri.

QUENEL. Prop. 13.

Quando Deus vult animam salvam facere, & eam tangit interiori gratiæ suæ manu, nulla voluntas humana ei resistit. *Hæretica.*

De fide est, quod resistitur gratiæ. Nam *Trid. sess. 6. can. 5.* Desinit hominem posse abijcere gratiam, & dissentire si vellit. *Vos Spiritui Sancto resistitis.*

Quis resistit ei, & pacem habuit. *Job 9. v. 4.*

QUENEL. Prop. 30.

Omnes, quos Deus vult salvare per Christum salvantur infallibilitèr.

Sed tantum prædestinati salvantur infallibilitèr: ergo Deus tantum vult salvare per Christum prædestinatos.

CAL-

CALVINUS.

Pueriliter hallucinantur, qui hunc Pauli locum: Deus vult omnes homines salvos fieri, prædestinationi opponunt:: aliquid fortè dicerent, si Paulus hic de singulis hominibus ageret: de hominum generibus, non de singulis hominibus sermo est.

JANSENIUS.

Erronea est sententia Recentiorum, qui exponunt locum Apostoli 1. Tim. 2. de Voluntate salvandi omnes homines. Tom. 3. lib. 10. cap. 20. col. 374. 514.

JANSENIUS.

Non potest statui voluntas generalis, quia Deus omnes homines in eadem damnatione primi peccati positos, velit salvos facere, & ex qua voluntate remedia generalia sint omnibus præparata. Tom. 3. lib. 10. col. 1018.

JANSENIUS.

Antecedens voluntas omnes salvandi est nuda velleitas, qualem Deus habuit erga damnatas crea-

turas. Tom. 3. lib. 3. cap. 19. col. 379.

JANSENIJ Prop. 2. damnata.

Interiori gratiæ in statu nature lapsæ nunquam resistitur.

JANSENIUS.

Illæ antecedens voluntas, ante peccatum, in sola mentis præcisione, atque ad eò nuda quadam velleitate, nihil omninò gratiæ causante consistere potest. Tom. 3. de Grat. Christi.

POMERANUS.

Hujus loci sensus est, nullum mundi ordinem à salutè excludit.

MEGANDER.

Omnis generis homines, seu de quolibet statu aliquos servari.

CHAMIERUS.

Fecit omnes salutis capaces, potentia scilicèt, non proxima, sed remota, ut omnes facti sunt musicæ capaces, etiam muti. Tom. 3. lib. 7. cap. 6.

Profectò si plurimis Deus salutem noluit, nec media conferre, quibus obtineri possit, deterior ea in parte erit non electorum conditio, quam jam damnatorum: commune enim ipsis erit non posse salvare: hoc non electis singulare erit inevitabili necessitate peccandi, semper debere Deum ipsis augere damnationem. Fatendum ergo est adversus Ecclesiæ, & divinæ clementiæ hostes, Deum serio velle omnes omninò homines, nullo excepto, salvari; quod si effectus divinæ bonitatis non sequatur, id minimè tribuendum Deo, qui, quantum est in se omni-

nibus tribuit media sufficientia ad salutem ; sed voluntati hominum , qui nolunt gratiæ cooperari. Hanc veritatem , jam inde à nascente Ecclesia , ex Apostolo PP. agnovere , quæ deinde omnino sæculo ex Patribus , & Scripturis confirmata est.

Ezechiel. 18. 23. *Numquid voluntatis meæ est , ut pereat impius , dicit Dominus : nolo mortem peccatoris ; sed ut convertatur , & vivat.* Si enim non mortem , sed eorum vitam vult , certè voluntatem habet salvandi omnes , non nudam velleitatem ; sed sincerum desiderium salutis omnium , quod ostendit universalis amor , quo testatur se nolle quempiam perire , quo omnes laborantes ad se invitat , & omnibus finem ultimum proponit. Id planè omnes cordatos cogit , ut statuunt in Deo benevolam salvandi omnes voluntatem , per quam generalia remedia sint omnibus præparata ad salutem : alioquin quo pacto nisi illud foriè dici potest : *Quid ultra debui facere , & non feci. Extendi manus meas tota die ; & in numeris alia , quibus Deus in scripturis omnes vocat , & ad salutem invitat.*

August. ad illud Matth. 22. v. 9. *Quoscumque inveneritis vocate ad nuptias.* ait : *Ad eas , qui noluerunt venire alteri tribuere non debent , quam sibi , quod non venerint : fatendum ergo est Deum ex parte sua singulis velle salutem.* Lib. 83. Qq. q. 68.

D. Thom. lib. 3. contra Gent. cap. 159. *Deus quantum in se est , paratus omnibus dare gratiam : vult enim omnes homines salvos fieri , & ad agnitionem veritatis venire , sed illi soli gratia privantur , qui in se ipsis gratiæ impedimentum præstant.*

D. Bonav. in 1. dist. 46. quæst. 1. art. 1. *Deus voluntate beneplaciti vult omnes homines salvos fieri : Deus dicitur velle omnium salutem , quantum in se est , & antecedentè connotatur in omnibus ordinatio ad salutem : tum ex parte naturæ , tum ex parte gratiæ oblatæ.*

Chrysol. in cap. 2. Genes. hom. 11. *Nos item si voluerimus , quod nostrum est facere , nihil prohibebit eadem nos bona consequi : liberalis enim Dominus , & vult omnes homines salvos fieri.*

Idem hom. 7. in Joan. *Illuminat omnem hominem venientem in hunc mundum : illuminat profectò quantum in ipso est : si qui autem spontè sua mentis oculis conniventibus ad hujus lucis radios aciem dirigere noluerunt , non ex luminis natura in tenebris præstiterunt , sed ex malitia sua. Quantum ad ipsum attinet salvæ fuissent omnes Tribus Israel , imò & omnes mortales.* Ad Rom. 9. Epist. 16.

S. Dionis. Cœlestis Hierar. cap. 9. *Immensum , & infinitum di-*

Vina luminis pelagus semper paratum est, & patet omnibus ad participandum.

Paulinus Epist. 1. ad Aprum: *Hinc in omni loco plura quotidie mirabilia signa crebescunt, ut omnem quantum in se est hominem saluum faciat.*

§. IX.

DIVINA VOLUNTAS ERGA OMNIUM HOMINUM salutem exponitur.

Hæreticorum mens, & scopus satis apertè ex suprâ memoratis ostenditur: Ipsi fateri renuunt Deum verè, & seiò velle reprobatorum, ac infidelium in sua cæcitati morientium salutem, & erga ipsos tantummodò agnoscunt in propriam voluntatem, ac sterilem nihil omninò gratiæ causantem, nec media ad salutem necessaria conferentem; adeòque benevolentia ista, seù beneplaciti voluntas erga solos prædestinatos ab hæreticis admittitur, ut indè consequentè descendant tot fatalia dogmata iteratis Apostolica Sedis fulminibus profligata; videlicèt, nullam dari gratiam sufficientem, distinctam à gratia efficaci penicùs irresistibili, hancque prædestinatis tantum, secùs reprobis ministrari: hincque libertatis humanæ exterminium: præcepta servatu impossibilia, & id genus alia inevitabili deductione, ut infrâ constabit protenduntur.

Perperam ergo in absurde Thesi fulcimentum à Norisio Mag. Par. Augustini autoritas adducitur, qui expressè in Enchiridio, & passim alibi loquitur de voluntate *absoluta, consequenti, & efficaci* quæ proculdubio, ut fides docet facit quæcumque voluit in Cælo, & in terra; Præter hanc voluntatem Augustinus, cum Patribus, & Theologis aliam agnovit, videlicèt *antecedentem, inefficacem, & conditioni immixtam*, veram tamen sincerissimam, & seriam, quam nec adversarij negare possunt, cum & ipse Jansenius eam in statu naturæ integræ admittat, & expressè fateatur, dicens: *Habuit Deus voluntatem generalem benevolentie erga omnes Angelos, & quantum est in se, omnium beatitudinem æternam voluit, omnibusque propterea beatitudinis consequendæ media sufficientissima largitus est*; sic lib. 10. de Grat. Christi, cap. 102. & lib. 3. de Grat. Christi, ait: *Ante peccatum Adæ Deum habuisse voluntatem generalem salvandi omnes. Deus ipsi Adamo contulit media sufficientia, quibus perseveraret si vellet, & hæc sufficientia nobis prodesset, si ipse perseverasset.*

Quæ cum ita sint, tota probatio à Norisio, & Gothescalco assumpta penitus evanescit: Nam Deus voluit omnium Angelorum salutem: numquid omnes Angeli consequuti sunt æternam salutem? Deus voluit Adami perseverantiam: numquid Adamus perseveravit in iustitia? Si ergo nec Adamus perseveravit in Paradiso, nec omnes Angeli in Cœlo, cum Deus utrumque voluntate benevolentię voluerit, ubi nam est hic omnipotens voluntas illa, qua fecit quæcumque voluit in Cœlo, & in terra. Hinc clarè ostenditur argumenti inefficacia: Deus est omnipotens, ergo si vult omnes homines salvari, omnes salvantur infallibilitèr, sed non salvantur omnes: ergo Deus non vult omnes homines salvari. Igitur non omnis voluntas Dei est efficax, & absoluta, & consequentèr admittenda est in Deo alia voluntas inefficax, & antecedens, licèt vera, & seria, de qua minimè loquitur scriptura dum ait: *Omnia quæcumque voluit fecit in Cœlo, & in terra*, nec Augustinus aliud intendit, sed de voluntate absoluta omninò efficaci, quam explicat dicens: *Tamen credere non cogamur aliquid Omnipotentem Deum voluisse facere, quod factum non est.*

Quid ergo faciunt ad sustinendum hœreticorum dogma, quo omnis omninò voluntas seria, & sincera à Deo erga reprobos salutem abdicatur, tot Scripturarum testimonia congregere, quibus Calvinistę, & eorum Sectatores abutuntur contra Ecclesię definitionem de voluntate salvandi omnes homines, quasi in Deo alia non cognoscatur voluntas, nisi efficax, & absoluta. Quid hæc probant? Cum & ipse Quenellus se illa de voluntate consequente intelligere non semel protestetur. *Credo (ait) sicut Paulus Deum velle omnes homines salvos fieri, sed credo paritèr Deum*

Protest. Quenelli, fol. 46.

voluntate efficaci, & absoluta non velle salutem, præterquam prædestinatorum. Quid hæc serviunt, cum & ipsi Tyrones ultro fateantur, quod non omnis voluntas Dei salvandi omnes homines sit prædestinativa: ex quibus constat, quam debilis inèptaque sit Gothescalci probatio, & approbatio Cardinalis, quod ulteriùs detegitur, & explicato.

Voluntas divina *beneplaciti* illa dicitur, qua Deus propriè, & formalitèr aliquid vult. Voluntas *signi* communitèr est illa, quæ non est propriè voluntas, sed tantùm ejus signum, quale fuit præceptum Abrahamo impositum de Isaaci immolatione, quam Deus nullo modo, nec inefficacitèr voluit. Nec tamen omnes in hac voluntatis signi explicatione conveniunt.

Voluntas divina *efficax*, *absoluta*, & *consequens* est illa, qua Deus vult omninò rem fieri: hæc nunquam intento effectu caret. Voluntas *inefficax*, *antecedent*, & *conditionata*, illa dicitur, quæ licèt non omninò velit rem fieri, ex se tamen serio desiderat, ut fiat, itaque tendit aliquid, licèt inefficacitèr, ad esse rei, per quod differt à simplici complacentia in possibilibus; Hinc diversimodè vult Deus salutem viatorum, etiam reproborum, quam damnatorum; respectu damnatorum habet Deus aliquam complacentiam in possibilitate salutis secundùm se; non verò eis providet medium aliquod, quo possint salutem obtinere, sicut omnibus viatoribus id liberalitèr elargitur.

Itaque voluntas, qua Deus vult omnes observare præcepta, omnes justificari, omnesque salvari est inefficax, respectu copulativæ justificationis, & salutis omnium; dici tamen potest hæc voluntas absoluta, & efficax respectu alicujus termini, in quo vult justificationem, & salutem, ipsa enim Dei voluntas non terminatur directè, & immediatè ad omnium salutem, sed tantùm in aliquo medio, videlicèt in auxilio sufficienti; nulla quidem libera volitio in Deo dari potest, quæ sit purè inefficax, eum non possit esse omninò libera, quin sit alicujus termini productiva, in quo velit inefficacitèr objectum, quare in auxilio sufficienti vult inefficacitèr salutem. In hoc sensu voluntas, qua Deus salutem omnium vult dicitur efficax, quantum est ex parte Dei, non quantum velle potest, nec voluntate conferente omnia media à Deo conferibilia, sed voluntate sufficientia media providente, quibus omnes hominis salvari possint, si & ipsi vellint, quæ idcirco dicitur voluntas conditionata.

Discernitur ergo Catholicorum sententia à Janseniana in eo quod Jansenistæ dicunt: Deum penitèr noluisse post peccatum Adæ reprobos salutem, & consequentèr illis exhibere auxilium sufficiens noluisse, quod si serio voluisset eorum salutem non denegaret in auxilio gratiæ irresistibilis, quo salutem infalibilitèr consequerentur. Nos intendimus Deum defacto, & sincero animo voluisse benefica voluntate, licèt non omninò efficaci, omnes omninò homines salvari, etiam reprobos, illis conferendo sufficiens ad salutem obtinendam auxilium. Electorum salutem voluit Deus animo specialitèr benefico, tribuendo illis auxilium sufficiens, & simul efficax, seligendo illud amore speciali ab inefficaci, ad cujus collationem, nempè auxiliij efficacis, non tenetur Deus ex munere causæ primæ; ut proindè salutis benefi-

cum,

cum, ita tribuatur Deo, ut reproborum perditio uni creaturæ voluntati tribuatur: *Perditio tua ex te Israel.*

Indè verum est salvari infallibilitèr omnes, quos Deus vult absolutè, & efficacitèr salvari; non quia gratia efficax, ut Jansenistę intendunt, humanam voluntatem necessitet ad bonam operationem, sed quia bona operatio est infallibilitèr futura, & necessaria, necessitate consequente, ex hypothesi, quod futura prævideatur sub auxilio, quod Deus benignissimè confert; haud secùs ac trina negatio Divi Petri necessario, necessitate consequente, non læsiva libertatis erat futura ex hypthesi, quod fuisset sub talibus circumstantiis prævisa. Constat indè: quod licèt reprobi non salventur, verùm est Deum velle eos salvare: Quia reprobi in tantum damnantur, in quantum peccant, & in tantum peccant, in quantum resistunt gratiæ sufficienti, ne peccent; quod si prædici sunt gratia sufficienti ad non peccandum, cui resistunt, eo ipso verùm est, Deum tale auxilium contulisse, ne peccarent; & ut salventur divina adimplendo præcepta.

Nemo ex adultis, ubi ad usum rationis pervenerit, privatur ob culpam originalis auxilijs sufficientibus ad salutem: quia nemo eorum damnatur citra culpam personalem, & culpa personalis non habetur absque gratia sufficienti ad non peccandum; Et quumvis Deus aliquando in penam peccati, seu resistentiæ auxilijs denegat auxilium efficax, seu aliud majoris intensionis, nunquam tamen novum peccatum committitur absque nova gratia sufficienti ad illud vitandum, & nunquam à Deo confertur tale auxilium absque sincera voluntate, quod homo eo utatur in ordine ad salutem consequendam. Sicut nemo vir prudens invitatur ad prandium, sine sincera voluntate, quod non sit, si annuat, à convivio excludendus. Dicendum ergo est: Deum velle vera, & sincerissima voluntate omnes, & singulos homines salvare, etiam reprobos; & non tantum velle salvare eos, qui infallibilitèr salvantur, omnibus enim præbet sufficientia auxilia, quibus salvari possunt, si ipsi velint: & sic subsistit Seraphici Doctoris propositio: *Deus, voluntate beneplaciti vult omnes homines salvos fieri.*

*In 4. dist. 46.
q. 1. art. 1.*

Sed quia Quenellus cum Jansenistis voluntatem beneplaciti penitus excludit, solumque admittit voluntatem signi, quam sterilem, impropriam, & figuratam appellat, & in suæ cogitationis præsidium invocat D. Thomam, illius male sana fides detegenda est. Angelicus Præceptor agnovit voluntatem beneplaciti antecedentem erga salutem omnium, & dum voluntatem signi

memorat, in sensu Jansenistis aduerso eam proponit: expressè enim fateatur ex ea hominibus descendere consilia, & remedia. Sic in 1. Tim. 2. ait: *Velle ponitur quandoque pro voluntate signi: voluntate signi vult Deus salvare omnes: quia omnibus proposuit salutis præcepta, consilia, & remedia. Pro voluntate beneplaciti, sic exponi potest quatuor modis (inter quos hunc exponit quarto loco) secundum Damascenum, ut intelligatur de voluntate antecedente, non consequente.*

Duo hic effingunt Jansenistæ: Primum: D. Thomam non agnovisse in Deo voluntatem beneplaciti erga salutem omnium hominum, sed tantum voluntatem signi. Secundum: Quod Ang. Doctor dum voluntatem antecedentem à Damasceno expositam adoptat, intendit hanc antecedere tantum, & nullo modo subsequi prævisionem peccati.

Ad 1. constat D. Thomam non accipere voluntatem signi ad mentem Quenelli, qui voluntatem sterilem effingit. Secundum est Jansenij cogitatum, cui contradicit expressè Apost. 1. Tim. 2. *Obsecro primum omnium fieri obsecrationes pro omnibus hominibus: hoc enim acceptum est coram salvatore nostro Deo, qui omnes vult salvos fieri.* Hic Apost. in statu naturæ lapsæ, hortatur ad orandum pro omnibus, & singulis nullo excepto: Quia *Christus dedit semetipsum redemptionem pro omnibus*, non rectè intelligi potest, ut Jansenius meditatur de voluntate peccatum Adæ antecedente. Clariùs 2. Petri, cap. 3. v. 9. *Pacienter agit propter vos, nollens aliquos perire, sed omnes ad penitentiam reverti.* Ergo Deus vult omnes peccatores converti, & salvari, & quidem hoc vult post prævisum peccatum: Nam voluntas Dei, ut peccatores ad penitentiam revertantur, nequit esse ante prævisum peccatum, ut ex terminis patet. Nec Deus velle potest homines reverti ad penitentiam, quin simul velit ipsis conferre auxilium, sine quo minimè possunt ad veram penitentiam pervenire.

§. X.

NON PRO TOTIUS MUNDI REDEMPTIONE, NEQUE
pro omnium hominum salute Jesus-Christus Crucifixus,
& mortuus est.

NORIS ccl. 708.

Non pro omnibus hominibus mortuum esse Christum Dominum, ex Scriptura, & SS. Patribus non obscurè deducitur.

JANSEN. Prop. 5.

Semipelagianum est dicere Christum pro omnibus hominibus mortuum esse, aut sanguinem fuisse.

SUBS-

SUBSCRIBIT JANSENIUS.

Christus non pro totius mundi redemptione crucifixus, & mortuus est. Tom. 1. lib. 8. cap. 23. col. 546.

CALVINUS.

Christus proprij gregis solummodò fuit sollicitus, & pro electis suis dumtaxat curavit. In Joan. cap. 17.

CALVINUS.

Sub omnibus, reprobos non comprehendit, sed eos designat, qui simul credituri erant. In Joan. 1. 2.

JANSENIUS.

Augustinus nunquam in scriptis suis fatetur Christum pro omnibus, nullo excepto crucifixum esse, vel mortuum. Lib. 3. de Grat. Christi, cap. 21.

ZANCHIUS.

Sanguis Christi non est secundum propositum Dei, & re ipsa pro reprobis, & incredulis effusus, sed tantum pro electis, & quidem pro omnibus istis multis. In Misc. doct. 1. Joan. 2.

ARETIUS.

Deum volentem, & scientem excludere Caipham, Judam, Pharaonem, & Herodem, nec esse eorundem Redemptorem. Part. 2. Problem. fol. 866.

NORIS.

Christus non pro omnibus hominibus crucifixus, & mortuus est.

JANSENIUS.

Argumentum pro gratia sufficienti desumptum ex eo quod Christus pro omnibus sit crucifixus, & mortuus, usque ad nauream à Pelagianis inculcatum est. Tom. 3. lib. 3. cap. 20. col. 379. & 380.

BEZA.

Falsum, blasphemum, impium est dicere Christum crucifixum, & mortuum esse pro reprobis.

CHAMIERUS.

Non pro quibusvis mortuus est Christus. Tom. 3. lib. 9. cap. 3.

SIMONIUS.

Christum tantum electorum gratia se ipsum exinanivisse, forma servi assumpta. Contra Scheg. libro 2. cap. 24.

CONTRA REMONST.
in Specim Amstelodami.

Qui docent Christum pro omnibus, & singulis hominibus ::::: hi faciunt divinum consilium, & decretum incertum, & faciunt inanem virtutem satisfactionis Christi.

Clevitius.

Christus non est pro omnium omnino peccatis crucifixus, & mortuus, sed tantum pro fidelibus, & pijs. Apud Cocium Thesaur. Cath. tom. 1. lib. 3.

Iesus-Christus se morti tradidit ad liberandum pro semper suo sanguine Primogenitos, id est, electos de manu Angeli exterminatoris.

Calidior cæteris Quenellus præcisivis terminis in hac, & pluribus ejusdem damnatis propositionibus apertè Jansenizat denotans Christum D. morte sua electos pro semper liberasse, è potestate dæmonis, obtinendo illis perseverantiam usque in finem; alijs verò obtinuisse tantum temporarios quosdam effectus nempe fidem, imò & charitatem; non tamen perseverantiam, cui adhæret Cardin. Noris. Huic tamen in prædicta Thesi contrariantur Scripturæ, SS. Patres, & Ecclesiæ definitiones.

EX SAC. ESCRIPT.

Isaï. 53. v. 6. Posuit Dominus in eo iniquitatem omnium nostrum.

Ad Rom. 5. v. 18. Sicut per unius delictum in omnes homines in condemnationem, sic & per unius justitiam in omnes homines in justificationem vite. Energia Anthesis est: sic justitia Christi omnibus hominibus impena est, sicut peccatum Adæ omnibus obfuit; sed obfuit omnibus (excepta Beatissim. Virg.) quam nobiliori redemptione præferbavit. Ergo.

Ad Rom. 8. v. 32. Qui etiam proprio filio suo non pepercit, sed pro nobis omnibus tradidit illum.

1. Corint. v. 11. *Peribit infirmus in tua scientia frater, propter quem Christus mortuus est. Ex quo sic infero. Nullus electus perit, sed aliquis propter quem Christus mortuus est perit: ergo aliquis propter quem Christus mortuus est, non est electus.*

2. Corint. 5. v. 14. & 15. *Æstimantes hoc: quoniam si unus pro omnibus mortuus est, ergo omnes mortui sunt, & pro omnibus mortuus est Christus. Si vera est adversariorum expositio, erit inepta illatio Apostoli, utpotè universalis ex particulari, & à restricto ad non restrictum affirmativè: cum ergo Apost. concludat ex generalitate remedij, generalitatem mali, necesse est æquè latè patere remedium, ac patuit malum; atque adeò, pro iisdem omnibus mortuum esse Christum, qui in Adamo mortui sunt; quod*

quod si minus latè patet remedium quam malum , argueretur Paulus , ac si diceret : Si pro decem oblatum est remedium : ergo mille mortui sunt : quòd cogitare nefas.

1. Tim. cap. 4. v. 10. *Speramus in Deum vivum , qui est Salvator omnium hominum maximè fidelium.* Maximè fidelium ait : quia his contullit fidem , spem , & gratiam , subsidiaque máxima ad salutem , ex speciali benevolentia affectu : : *Jesus-Christus dedit semetipsum pro omnibus nobis.*

1. Joan. cap. 2. v. 2. *Ipse est propiciatio pro peccatis nostris , non pro nostris tantum , sed pro totius mundi.*

Math. 18. 11. *Christus venit salvare quod perierat.*

EX CONCILIIJS.

Constat eadem veritas ex Arclatense , Moguntino , & Trid. sess. 6. can. 2. *Hunc proposuit Deus propiciationem per fidem , in sanguine ipsius pro peccatis nostris , non pro nostris tantum , sed pro totius mundi : : Verum etsi ille pro omnibus mortuus est , non omnes tamen beneficium mortis ejus recipiunt , sed hi dumtaxat , quibus meritum passionis ejus communicatur.* Sess. 6. cap. 3. Ergo mortuus est etiam pro illis , qui beneficium mortis ejus non recipiunt , scilicet pro reprobis.

Demum Concil. Nisenum Constantinopolitano , Ephesino , & Calcedonenſe ſignatum , Conclusionem Noriſianam oppugnat , dum hanc credendi formulam proponit : *Credo in unum Dominum Jeſum-Chriſtum : : qui propter nos homines , & propter noſtram ſalutem de Cælis : : Crucifixus mortuus , &c.* Hac credendi formula tenentur uti , ſive reprobi , ſive prædeſtinati , ſive fideles , ſive ad fidem vocati. Cum ergo hæc formula vera , & catholica ſit , omnibus his , qui tenentur fide divina eam proferre , quales ſunt enumerati , conſequens eſt , ut propter eos omnes , & propter eorum ſalutem Chriſtus venerit , & paſſus fuerit ; adeoque contra veritatem ſymboli Niſeni reſtringi videtur paſſio , & mors Chriſti , ad ſolos prædeſtinatos , vel ad ſolos fideles , ita ut cæteris hominibus ex vi meritorum Chriſti , nec oblata , nec præparata fuerint media ad ſalutem neceſſaria.

Præterea , ſi ad ſolos prædeſtinatos reſtringitur beneficium Redemptionis , cæteri fideles , qui in re prædeſtinati non ſunt , non poſſent certò , & catholicè formulam illam proferre ; imò nec ipſi prædeſtinati , qui neſciunt ſe prædeſtinatos eſſe : quia enim iſti certitudine proferrent *propter nos Chriſtus mortuus eſt,*

cum sciant Christum mortuum esse pro solis prædestinatis , & nesciant an prædestinati sint. Rursus ad fidem vocati (si ad omnes , & solos fideles restringitur Redemptio) nec tenerentur credere , nec prædicta formula uti : quia juxta opinionem contrariam Christus pro his , nec est Cælo descendit , nec crucifixus , nec mortuus est ; imò nec credere possent , cum ipsis denegarentur remedia , & media necessaria ad salutem , sine quibus impossibile est credere.

EX SS. PATRIBUS.

Uno ore SS. Patres adversantur huic propositioni : *Christus non est mortuus pro omnibus hominibus* , apertè , absolutè , & sine ulla limitatione , aut restrictione docent : *Christum venisse , ut redimeret omnes , & singulos homines , nullo excepto ; crucifixum , & mortuum pro totius mundi expiatione pro Gentilibus , & reprobis pro omnibus , qui in univèrsa terra consistunt ; demùm venisset ut redimeret quidquid hominum sub Cælo est.*

D. August. ad illud : *Non enim misit Deus filium suum in mundum , ut judicet mundum , sed ut salvetur mundus per ipsum , sic ait : Ergo quantum in medico est salvare vult egrotum , ipse se interimit , qui præcepta medici servare non vult. Venit Salvator in mundum , quare Salvator dictus est mundi , nisi ut salvet mundum :: salvari non vis ab ipso ex te judicaberis.* Tract. 12. in Joan. cap. 3.

Idem de Symb. ad Cathecumenos lib. 2. cap. 8. *Videtis vulnera , quæ infixistis ? Agnoscitis latus , quod popugistis ? Quoniam , & per vos , & propter vos , apertum est , nec tamen intrare voluistis.*

Idem in Psal. 68. cap. 27. *Projecit pretium argenti , quo ab illo Dominus venditus erat , nec agnovit pretium , quo ipse à Domino Redemptus erat.*

Idem contra Julianum lib. 6. cap. 9. *Apostolus unum dixit fuisse , in quo omnes peccaverunt : in illo uno mortui sunt omnes , ut moreretur alius unus pro omnibus. Unus enim pro omnibus mortuus est , ergo omnes mortui sunt , pro quibus Christus mortuus est.*

D. Thom. *Christus Jesus est mediator Dei , & hominum , non quorundam tantùm ; sed inter Deum , & omnes homines , & hoc non fuisset nisi vellet omnes salvos fieri.*

S. Leo Papa Epist. 83. ad Episc. Palest. *Effusio pro injustis sanguinis justus tam potens fuit , ut si univèrsitas captivorum in Redemptorem suum crederet nullum tyranica vincula detinerent : Quoniam ut Apost. ait : Ubi abundavit peccatum , superabundavit & gratia.*

Idem.

Idem. *Christus pro omnibus, id est, pro omnium salute est mortuus pro quibus in Cruce orabat, dicens: Pater, ignosce illis. Serm. 1. de Passione. Ergo & pro reprobis illis, qui nec crediderant, nec credebant, nec credituri erant.*

S. Anselmus ad illud Tim. 1. 2. *Qui dedit semetipsum Redemptionem pro omnibus, ait: Nullum excipiens, qui velit redimi ad salvandum. In hoc enim patet, quantum Deus homines diligit, & eos velit omnes salvos fieri, si perversitas eorum non obstiterit. Mortem pro omnibus sustinuit, ut omnes à morte æterna liberaret, & idè qui non salvantur, non est quod de Deo, vel de Mediatore possint conqueri, sed de se ipsis. Et Orat. 28. ait: Æquali dilectione nos omnes creasti, æquali dilectione pro omnibus passionem suscepisti.*

S. Ambrosius lib. de Paradox. cap. 8. *Venerat Dominus Jesus salvos facere peccatores, etiam circa ipsos ostendere debuit suam voluntatem. Quod in Deo fuit ostendit omnibus, quod omnes voluit liberare.*

S. Paulinus. *Quantum in ipso est omnem hominem fieri salvum vult, qui fecit omnes. Epist. 12.*

Cyrilus Alex. *Ut qui pro omnibus mortuus erat proprio sanguine redimeret, quidquid hominum sub Cælo est, & adquirere Deo Patri omnes eos, qui in universa terra consistunt. Epist. iclata in Conc. Ephes.*

Greg. Nazianz. *Passionem Christi vocat, non exiguae cujusdam partis Orbis terrarum, sed totius mundi expiationem. Orat. 2. de Pass. & Orat. 25. ait: Christi perpassiones, per quas omnes reformati sumus, nullo penitus excepto, qui eidem Adamo participavimus.*

Clemens Alex. lib. 7. Strom. pag. 298. *Christum venisse ad communem hominum salutem ::: Verbum Æternum tum singulis privatim, tum communiter omnibus unus est Salvator.*

Chrysost. 1. ad Tim. 2. homil. 7. *Quomodo illi non crediderunt? Quia noluerunt, suas tamen ille partes executus est, dum pro eis in Cruce penderet.*

S. Ildephonsus Serm. 5. de Assumpt. *Non audent (ut opinor) Ministri Tartarei, hodie attingere suos captivos, quos recolunt Redemptos illius sanguine, qui pro mundi salute dignatus est nasci de Virgine. His facile perspicias quo jure dixerit Card. Noris: EX SCRIPTURA EX PATRIBUS NON OBSCURE DEDUCITUR: CHRISTUM NON PRO OMNIBUS HOMINIBUS MORTUUM ESSE. Audivimus Jansenium asserentem D. Aug.*

gultinum nunquam in suis scriptis fateri, Christum pro omnibus, nullo excepto, se dedisse redemptionem, vel crucifixum esse, vel mortuum; at tamen S. Prosper fidelissimus Augustini Discipulus, adversus eos, qui hanc hæresim ausi sunt Augustino adscribere, ait: *Injustis opprobrijs voluisse S. Augustinum infamare, & calumniari, & prædictam assertionem vocat: Ineptissimarum blasphemiarum prodigiosa mendacia, ac impias, & prophanas opiniones; quarum prima est: Dominus noster Jesus-Christus, non pro omnium hominum salute, & redemptione mortuus est.*

Vindic. Aug. in
Præfat. ad ob-
jec. Vincent.

In 1. p. q. 23.
art. 5.

Cavenda igitur est (ait Pefantius) Calvinistarum blasphemia dicentium, Christum non fuisse mortuum pro omnibus. Et catholica positio in hac controversia est, omnes, & singulos homines, etiam post prævisum peccatum Adæ, per supernaturalem Dei providentiam esse ordinatos in finem supernaturalem æternæ salutis: Itaque voluntate antecedente, etiam præsupposita præscientia peccati originalis, quantum in ipso est, vult, & exoptat æternam omnium, & singulorum salutem, ob id præparat omnibus media sufficientia, & proportionata, ut sunt Incarnatio, & Sacramenta, adultisque auxilia actualia ad eandem salutem consequendam.

Penotus lib. 5.
cap. 10.

§. XI.

RESTRICTIO NORISIANA AB ECCLESIA DAMNATA demonstratur.

Prædictam mortis Christi restrictionem damnaverunt Alex. VIII. & Innoc. X. in hac Jansenij prop. 5. *Semipelagianum est dicere: Christum pro omnibus hominibus mortuum esse, aut sanguinem fudisse, ut falsam, temerariam, scandalosam, & intellectam in eo sensu, ut Christus pro salute tantum prædestinatorum mortuus est, impiam, blasphemam, contumeliosam divinæ bonitati, & hereticam damnamus.*

Hæreticam esse fatetur Noris propositionem, quæ restringit Christi Redemptionem ad solos prædestinatos: Nam inde sequeretur (ait) omnes Christianos reprobos in baptisate, & antequam in peccata dilaberentur, vel nullam habuisse gratiam, quod est idem ac dicere, Sacramenta nulla suscepisse, quod est blasphemum, vel gratiam illam non fuisse ex meritis Christi, quæ est equalis, imò & pejor blasphemia est. Itaque ex mente Cardinalis, Christus Dominus non tantummodò mortuus est pro prædestinatis, verumetiam pro fidelibus reprobis, in quantum ipsis promeruit temporalem justitiam, & alia superioris ordinis subsidia.

Discrepat in hac conclusione Noris à Luthero, & Calvino: hi enim prorsus negant reprobis conferri ex Christi meritis justitiam temporaneam, aut aliqua superioris ordinis dona; asserentes nullatenus Christum pro reprobis mortem obtulisse. Convenit tamen cum Jansenio, qui ex meritis Christi reprobis fidelibus concedi in hac vita aliqua supernaturalia beneficia oppinatur, atque aded Christum etiam pro fidelibus reprobis, quoad hoc mortuum esse, non verò pro æterna illorum salute, quare in eorum sensu remanet absolutè verum, *Christum D. mortuum esse pro salute tantum prædestinatorum*: quoniam licet mortuum esse concedant pro fidelibus reprobis, id tantum intelligunt quoad justitiam temporaneam, non tamen pro eorum salute.

Christus (ait Jansen.) *pro infidelium in infidelitate morientium, aut justorum non perseverantium æterna salute mortuus non est, nec sanguinem fudit, nec seipsum redemptionem dedit, nec Patrem oravit; imò nec magis pro æterna liberatione ipsorum, quam pro diaboli depræcatus est.* Nec tamen negat Jansenius, quin ex meritis Christi divina auxilia recipiant, quotquot ad fidem perveniunt: Sic de justis non perseverantibus, ait: *Pro istis in tantum mortuus est, in tantum rogavit Patrem, in quantum temporalibus quibusdam gratiæ effectibus divinæ exornandi sunt.* Convenit ergo Noris cum Jansenio in hac firmanda conclusione: *Christus D. mortuus est damtaxat pro salute æterna prædestinatorum, & pro temporanea fidelium justificatione, minime verò pro infidelibus in sua cœcitate morientium.* Quam quidem nec Quenellus ausus est proferre, qui fateretur esse dogma ab omnibus Catholicis admissum: *Christum pro omnibus hominibus mortuum esse.*

Postquam Pontifices, ut hæreticam damnare propositio-
nem s. Jansenij, asserentem, Christum D. dumtaxat mortuum esse pro salute prædestinatorum, Jansenistæ varias cogitavere cavillationes, atque interpretamenta, ut à fulmine damnationis suum errorem subducerent, & reprobo sensu, quoad fieri posset, temperato retinerent. Ecclesiæ contra Jansenium definitionibus agitati, intulerunt: *Christus dedit semetipsum pro nobis oblationem Deo, non pro solis electis, sed pro omnibus, & solis fidelibus*, id fateretur Noris, id ipsum Alex. VIII. damnavit in prop. 4. Ex prædicta Thesi, videlicet: *Christum pro electis, & pro fidelibus mortuum esse*: placuit Novatoribus inferre: ergo Pagani, Judei, Hæretici, alijque hujus generis nullum accipiunt à Deo influxum; aded-
que hinc rectè inferes in illis esse voluntatem inermem, nudam, sine

Tract. 1. lib. 2.
cap. 21.

Lib. 3. de Grat.
Christi.

Protect. fol. 46.

ulla gratia sufficiente : quod pariter à Sede Apostolica damnatum est. Nec mirum cum Jansenij vestigijs inhærentes consequenter negare debent in statu naturæ lapsæ omnem gratiam sufficientem à victrici, & invencibili distinctam.

Dicendum igitur utrumque errorem, seu limitationem, vel ad solos prædestinatos, vel ad omnes, & solos fideles rejectam esse ab Scripturis, Concilijs, & SS. Patribus, qui universalitèr, absolutè, & sine ulla restrictione, aut limitatione docent : *Christum D. pro omnibus, & singulis, nullo penitus excepto pro, omnibus, qui in universa terra consistunt pro reprobis, & infidelibus, denique pro omnibus hominibus, qui sub Cælo videntur, crucifixum, & mortuum esse.*

Hinc vidère licet, qualem Redemptorem nobis describit Eminent. Noris. Quomodo Christus appellari potest Redemptor universalis totius generis humani, & mediator inter Deum, & omnes homines, qui non est mortuus pro majore parte generis humani? Qui nullos voluit salvare, nisi eos, qui salvantur, & insuper conferre nonnullis reprobis beneficia tantummodò temporanea supernæ gratiæ. Fatetur optimè Noris, ex eo quod reprobi fideles acceperint aliquam supernaturalem gratiam per Christum, infallibilitèr sequi Christum pro illis mortuum esse, & blasphemiam esse contrarium enunciare : ergo illi, pro quibus Christus non est mortuus, nullam ex eo accipiunt gratiam. Fateatur insuper Noris opus est : quod si nullam gratiam contullit Christus infidelium propè immensæ turbæ in infidelitate permanenti, nullo pacto potest dici Redemptor illius ferme infinitæ multitudinis. Hæc gustui Jansenij, & Quenelli facile arrident, cum sustinueri. Prop. 26. *Nullæ dantur gratiæ nisi per fidem.* Prop. 27. *Fides est prima gratia, & fons omnium aliarum.* Et Proposit. 29. *Extra Ecclesiam nulla datur gratia, & alia huc expectantia, & proscripita in Constit. Unigenitus.*

§. XII.

EX CAPITE LÆSSÆ LIBERTATIS IMPUGNATUR Sententia Norisiana.

CUM nulla detur supernaturalis gratia nisi per Christum, & illis, pro quibus Christus non est crucifixus, & mortuus, nulla tribuatur gratia superna; sequitur Gentiles omnes in in-
fi-

fidelitate permanentes, gratia sufficiente carere ad obtinendam salutem, quo tota infidelium libertas ad conversionem evertitur: hoc planè evincitur à Jansenio dicente: *Infideles carent gratia sufficiente ad salutem, tam proximè, quàm remotè, & omnibus principijs ejus. Post Adæ lapsum nulla gratia datur, nisi electis: Reprobi verò ita ad fidem, & conversionem vocantur, & invitantur exterius, ut ea tamen illis dare Deus nolit. Gratia sufficiens à Semipelagianus ortum habet, & indè in Catholicorum Scholas translata est. Nullum dari post lapsum Adam, adjutorium sufficiens quin simul sit efficax.* Tom. 3. cap. 3.

Lib. 3. de Grat.
Christi cap. 11.

Ibid. cap. 12.
col. 323.

Quam absurda, & blasphemata sit conclusio ista, nemo non videt: tollerabilis tantummodò Jansenio erit admittenti præcepta impossibilia, & Norisio asserenti, *Deum nobis jubere quandoque, quæ non possumus.* Scripturæ verò, & PP. passim resistunt, ingeminantes nunquam per Deum stare, ne quis præcepta adimpleat, & salvetur; neque sine injuria Redemptoris dici potest, quod sola originalis culpa fuit in causa, cur Deus denegat infidelibus auxilia sufficientia, ut credant, & salventur; alioqui sanguis Christi nihil eis profuisset. Et quidem, si Deus alicui denegaret auxilium sufficiens ad salutem, illum deserisset Deus, priusquam ab illo defereretur, per aliquam culpam propriam: & Deus neminem deserit, ut nisi prius deseratur; quod SS. Patres absolute, & universim accipiunt, quamvis ibi Trid. de solis justitias loquatur.

Præparatur igitur, post Adæ lapsum, & à Deo offertur omnibus hominibus, tum justis, tum etiam injustis; & infidelibus gratia verè sufficiens, per quam infideles ad fidem converti, peccatores à peccatis resurgere, præcepta servare, vitare peccata, & in justitia perseverare possunt. Id exigit Redemptoris munus, & mediatoris inter Deum, & omnes homines officium, qui sanè omnium reparator non esset nisi omnibus ex se media sufficientia comparasset. Alioquin, si de medio tollitur gratia sufficiens, sequeretur, nullum ex his, qui præcepta supernaturalia violant, potuisse illa adimplere: quia neque habuit gratiam efficacem ad observandum præceptum, qui illud frangit, ut ex se patet, neque gratiam sufficientem habuit, quæ ex mente adversariorum repugnat; cum pariter impossibile sit præcepta supernaturalia, sine gratia adimpleri.

Abfit ergo impia, & erronea Novatorum cogitatio, dum infidelis voluntatem nudam, & inermem meditantur: Quia cum
Deus

Deus velit etiam infideles salvos facere, Christus D. eis præstat auxilia supernaturalia sufficientia ad salutem obtinendam, ne voluntio divina inepta dicatur, sicut verè fatua dicitur voluntio finis sine medio ad illius existentiam penitus necessario.

Ex Joan. 1. *Deus illuminat omnem hominem venientem in hunc mundum*, de lumine supernaturali intelligunt Chrysoft. & Aug. lib. 1. de Peccat. mort. & remis. cap. 25. cum de illo paulò ante loquatur Evangelista: & relatè ad infideles locutus est Apòst. 1. Tim. 2. dicens: *Coram salvatore nostro, qui omnes homines vult salvos fieri, & ad agnitionem veritatis venire.* Sicut per Isaiam ad infideles dixit cap. 65. *Expandi manus meas ad populum incredulum, qui graditur in via non bona.* Hincque Augustinus in Ps. 18. *Non est qui se abscondat à calore ejus*, ait: *Cum verbum caro factum est, & habitavit in nobis, mortalitatem nostram suscipiens non permisit ullum mortaliū excusare se de umbra mortis, & ipsam enim penetravit verbi calor.*

S. Prosp. lib. 2. de Vocat. gent. cap. 20. ait: *Univerſitati hominum, quod abundè probavimus, ita multiplex, atque infallibilis Dei bonitas consuluit semper, & consulit, ut neque ulla pereuntium excusatio suppetat.* Quod paritèr confirmat Concil. Colonienſe p. 4. cap. 32. dicens: *Quamquam nemo convertatur ad Dominum, nisi tractus à Patre, attamen nemo hinc excusationem prætexat, quod non trahitur, ille autem semper stat ad ostium pulsans, excusationem profectò legitimam haberent, si gratia sufficienti privarentur.* Quamvis igitur infideles non sint Christi membra, adhuc Christus in illos influit, ut membra fiant: sicut calor naturalis influit in cibum, ut in substantiam aliti convertatur.

Indè corruiſit Jansenistarum fundamentum ex Calvino, & Luthero propinatum, & Jesu-Christi sanguini injuriòsum; videlicèt: quod nulla datur in natura lapsa gratia sufficienti, seu quod in statu naturæ lapsæ gratiæ interiori non resistitur: quæ est secunda Jansenij Prop. damnata: illa enim superna interior gratia, non solum datur in vacuum fidelibus recipientibus, sed etiam infidelibus, qui Spiritui Sancto resistunt, & per quos stat, ne ad agnitionem veritatis perveniant. Sic quidem sive fidelibus obduratis, sive infidelibus offertur, ut si tenuiora quædam gratiæ supernæ auxilia, quæ sive ad vitanda peccata, sive ad opem divinam implorandam, certis temporibus, ipsis dantur, non respiciant, paulatim, & quasi per gradus ad divinam amicitiam perveniant.

Advertere oportet pro rei veritate, necnon pro difficilio-
ribus locis exponendis: quod gratia, quæ gentilibus conferitur,
non semper est, in stricta acceptione, *gratia Christi*, id est, gra-
tia, quæ Christi mediatoris involvat, cognitionem; semper ta-
men est *gratia per Christum*, hoc est, Christi meritis comparata,
quæ ab Augustino appellatur *munus Redemptionis*, & communiter
dicitur gratia Dei, ne confundatur cum gratia Christi, quæ Re-
demptoris cognitionem importat.

§. XIII.

LIBERTAS JANSENIANA IMPUGNATUR.

Præcepta supernaturalia observari, ac peccata transgressionis
vitari posse à non habentibus gratiam sufficientem, affirmat
Janfenius, non quidem (ait) illa potestate proxima, quæ dat simul
velle, quod possumus; & posse quod volumus, nec illa, quæ potesta-
tem voluntatis, velut in æquilibrio ponit ad utrumque, sed illa remo-
tiori potestate, qua possit peccata vitare, si velit, quare ait: *Vo-
luntas sine gratia non potest peccata vitare; potest tamen si velit.* Hæc
tamen argutia tyronibus decipiendis tantum idonea est, & re
vera nihil nisi libertatem impossibilem concedit, talis est hæc
potestas remotissima, & hypthetica, quæ in gentili gratia desti-
tuto, conceditur ad non peccandum si vellent, seu ad actum su-
pernaturalem eliciendum. Propterea Cardin. de Aguirre asserit,
hic Janfenistas solummodò concedere homini potestatem quan-
dam remotam adimplendum præceptum Dei, quam nec Luthe-
rus, Calvinus, Molinæus, Zanchius, Paræus, & alij jurati liber-
tatis hostes concesserunt. Nam si rogetur Janfenius: An possit
homo sine gratia velle vitare peccata. Resp. *Sine gratiæ adiutorio
tàm impossibile est voluntati, ut bene velit, quàm cæco, ut videat, sur-
do, ut audeat, cruribus fracto, ut rectè ambulet.* Itaque non ma-
jorem potestatem homini concedit, quam quæ in Deo datur ad
peccandum.

Lib. 3. de Grat.
Christi, cap. 15

In Defens. Cas-
thol. D. Petri
d. 21. sect. 13

Lib. 2. de Grat.
cap. 12

Dices: Potestas remota, quæ datur in homine, gratia desti-
tuto, ad non peccandum, & ad observandum præcepta, non est
adeò impossibilis, ac potestas Dei ad peccandum: quia in li-
bera potestate Dei est dare cuivis gentili gratiam efficacem ad
credendum, & ad observanda præcepta, sed contra est. Quia
potestas, quam Deus habet ad conferendum homini gratiam, nihil

potestatis homini præstat, dum ipse gratia destituitur ad credendum, aut pœnitendum: Quid enim potestatis homini præstat ad transvolandum Caucaſum potestas, quam Deus habet ad conferendum homini alas.

Lib. 4. ad Bonif. cap. 3.

Lib. 1. ad eundem.

Lib. 1. Re-tract. cap. 10.

Ruit ergo penitus sine gratia libertas ad observanda præcepta, quod passim Augustinus expressè docet: *Non potest* (ait) *capitula voluntas, nisi gratia Dei, respirare in salubrem libertatem, quod evertit hæresim Pelagianam. Nemo igitur potest habere voluntatem justam, nisi nullis præcedentibus meritis acceperit veram, hoc est, gratiam desuper gratiam. Verum est homines hoc posse (servare præcepta) si vellint, sed præparatur voluntas à Deo, ut possint.*

Inſtabis. Homo sine gratia potest credere; licet non potest credere sine gratia, sicut oculus sine luce potest videre, licet non possit videre sine luce. Sed hoc nihil valet, & est disparitas luce clarior: lux enim non est causa visionis, nec requiritur ex parte potentia, sed ex parte objecti; gratia verò est causa, & quidem principalior actus supernaturalis, ut contra Pelagium constat. Itaque, qui enunciat: sine gratia est potestas credendi, licet non sit potestas credendi sine gratia; poterit redarguere Christum dicentem: *Sine me nihil potestis facere*: quasi dicere debuisset Dominus: *Nilil potestis facere sine me*, ita ut negatio gratiæ non afficiat potentiam, sed actum, quasi defectus gratiæ actum dumtaxat impediatur, non potentiam.

Itaque in homine spoliato gratia supernaturali tantum datur capacitas, ut elevetur per dona gratiæ, quibus obtineat veram potentiam proximam adimplenda præcepta supernaturalia, & ad alios actus naturæ vires excedentes. Hæc capacitas, ut elevetur, dicitur potentia remota, seu radicalis, quæ non datur in lapide, vel ligno: hoc facillè solvitur, quod adversarij nobis ex Augustin. obijciunt ex lib. de Prædest. SS. cap. 5. *Posse habere fidem, sicut posse habere charitatem natura est hominum*: Ergo sine gratia liberum arbitrium est in homine ad credendum. Loquitur hic Aug. de Potestate radicali, remota, & incompleta, quæ non datur in peccoribus, nec capacitas ad credendum, sicut in natura hominis datur; non verò loquitur de potentia libera, de qua est quæstio.

Hoc genus potentia ignotum fuit in scholis usque ad annum 1679. in quo Bajanus Doctor Lovaniensis, repudiata Aristotelica, & communi definitione libertatis hanc novitatem protrudit in Compendio Theol. pag. 24. dicens: *Neque tamen est quod sine*

sine gratia sufficienti adulti, non essent liberi ad supernaturalium præceptorum adimpletionem. Et cum argumentis præmeretur talia præcepta, non posse impleri sine gratia, & hac exclusa opus esse, & libertatem pariter destruere. Resp. in Theſibus ann. 1684. Ad libertatem requisitam ad actus fidei, spei, & charitatis, nulli necessitatem gratiæ admittant necessè est.

Quapropter, ne adeò erroneum devoretur absurdum dicendum est: Christi sanguinem omnibus ad salutem profuisse: quatenùs omnibus promeruit auxilia sufficientia, qua possint salvari, si vellent; alioqui non magis profuisset reprobis Christi mors, quam dæmonibus, quos nullo pacto redemit, nec ullum auxilium ipsis ad pœnitendum contulit. Electis specialitèr profuit Christi sanguis siquidem Redemptor omnium fuit *maximè* fidelium: quatenùs speciali benevolentia affectu, in actu secundo, & absolutè eos de manu Angeli exterminatoris liberavit.

Inde constat, quam atrox injuria irrogetur Christi sanguini ab eis, qui reprobis denegant auxilium sufficiens: Sic enim voluntati Christi tribueretur eorum reprobatio, utpotè noluerit eis salutem promereri, & denegato ipsis auxilio sufficienti non potest dici reprobos noluisse uti pretio sibi oblato, & salvari: *Cælestis Pater, Pater misericordiarum, & Deus totius consolationis Christum Jesum Filium suum, cum venerit plenitudo temporis, ad homines miserit, ut & Judæos, qui sub lege erant redimeret, & gentes, quæ non sectabantur justitiam, justitiam aprebenderent, atque omnes adoptionem filiorum reciperent. Hunc proposuit Deus propitiatorum per fidem, in sanguine ipsius pro peccatis nostris, non solùm autem pro nostris, sed pro totius mundi.*

Trident. sess. 6.
cap. 2.

§. XIV.

ARGUMENTA CARD. NORIS DISSOLVUNTUR.

EADEM sunt, quæ prius à Calvinistis, deindè à Jansenistis adversus Ecclesiæ doctrinam, & Pontificum definitiones producantur.

Opponit. 1. Valentinam Synodum particularem ex 14. Episcopis quasi dicat: Christum dominum passum, & mortuum esse tantùm pro omnibus, & solis fidelibus. 2. Prudentium Artic. de Morte Christi, dicentem: *Sanguis Christi effusus est pro omnibus credentibus; non pro his, qui nunquam crediderunt, nec credunt, nec*

credituri sunt. Hoc argumentum ponderat Jansenius. Verùtamen est, quod si in sensu à Cardinali intento accipiatur, non solum impingit in Trident. Synodum, verùmetiam in prop. 4. ab Alex. VIII. damnatam: *Dedit semetipsum pro nobis Redemptionem :: pro omnibus, & solis fidelibus.* Longè tamen abest Synodus Valentina à mente Cardinalis, qui nec Jansenius ignorare poterat ejusdem Synodi, cap. 5. ubi disertissimis verbis tradit, Christum Redemptorem omnium, etiam reproborum extitisse, his verbis: *Ex ipsa tamen multitudine fidelium Redemptorum, alios salvari eterna salute, alios quia Redemptoris gratiam potius irritam facere, quam servare elegerunt, ad plenitudinem salutis, & ad perceptionem eterna beatitudinis, nullo modo pervenire.* Ergo mala fide citatur, cum expressè doceat non pro solis salvandis mortuum esse Christum. Prudentij Articulus jam diu, ut repugnans conciliari cum Trid. Synodo, ubi ait: *Christus pro omnibus mortuus est: non omnes pro quibus mortuus est beneficium mortis ejus accipiunt.* A Doctoribus Catholicis ostenditur; benignè tamen interpretandum est Prudentius loquens de salutis effectu, seu de Redemptione completivè sumpta; aliter discerni non poterit ab Artic. 4. damnato, intr. 31. ab Alex. VIII.

Opponit. 3. Verba Lupi Abbatis Ferrariensis, Epist. ad Carolum Regem, ubi postquam Evangelistarum testimonia refert, ait: *Duo ergo Evangeliste ponunt pro multis, unus pro vobis, nullus pro omnibus.* Ergo Christus D. non pro omnibus sanguinem effudit.

Resp. Augustinus lib. 10. de Civit. Dei, cap. 32. Sapè in Scriptura Sacra idem significare *multos*, quam *omnes*. Ut Dan. 10. *Multi de his, qui dormiunt in terræ pulvere exigilabunt; id est, omnes resurgent in die judicij.* Et ad Rom. 5. *Si enim unius delicto multi mortui sunt: id est, omnes.* Præterea, Christus D. cum solis Apostolis loquebatur, illisque redemptionis munus commendabat, declarare intendens, quid illis, quibus sanguinem suum porrigebat, pro futurus esset.

Opponit. 4. Hieron. in cap. 20. Matth. v. 28. *Non dixit dare animam suam Redemptionem pro omnibus, sed pro multis, hoc est, pro his qui credere voluerint.* Et in illud Psal. 43. *Vendidisti populum tuum sine pretio:* ait: *Dictum est (de Populo Judaico) sine pretio: quia non est effusus sanguis Christi pro eis.* His insultant passim Calvinistæ, & refractarij, in casum tamen, quia ex testimonijs supra adductis interpret sui ipsius extitit Hieronymus, qui

qui ubi dixit pretium sanguinis, non esse effusum pro Judæis interpretandus est, sicut August. & Anselm. ille Epist. 102. hinc in Elucid. dicentes, pro solis electis mortum esse Christum: videlicet, quoad efficaciam, & pro redemptione stricta, & completivè sumpta cum salutis effectu.

Opponit. 5. D. Thom. *Hinc (ait Noris) S. Thom. apertè docet, Christum in Cruce non orasse pro omnibus hominibus, alias exauditus esset pro sua reverentia; imò nec pro his, qui credituri erant, sed tantùm pro electis, quos illi Pater crediderat, ne perderet ex eis quemquam.* Patet D. Thom. 3. part. quæst. 21. art. 4. asserere: *Ad 2. dicendum: Quod Dominus non oravit pro omnibus crucifixoribus, neque etiam pro omnibus, qui credituri erant, sed pro his solùm, qui erant prædestinati, ut per ipsum vitam consecuturi eternam.*

Resp. D. Thom. hinc de Oratione absoluta, ut ex toto capite manifestum sit, opus est accipi, cum & ipse Ang. Doct. se explicet dicens: *Et idèò omnis absoluta voluntas Christi, etiam humana fuit impleta: quia fuit omninò conformis, ac per consequens omnis oratio ejus fuit exaudita. Quare omnis oratio ejus exaudita fuit: dicitur enim Joan. 11. Ego semper sciebam, quod semper me audis.* Idque intelligitur, quando aliquid à Patre voluntate absoluta postulavit, & omninò efficacitè; secus verò quando postulavit voluntate tantùm inefficaci, & conditionata; si nempe, ita Deo gratum foret: sic omnium hominum salutem postulavit; sic etiam in horto, ut calix ab ipso transfret.

Christus igitur aliquando pro solis electis regavit Joan. 17: *Non pro mundo rogo, sed pro his, quos dedisti mihi, aliquando etiam pro reprobis postulabat: Pater, ignosce illis.* Sic August. serm. 4. de Sanctis: *Quando in Cruce pendens orabat, pro omnibus postulabat.* Et D. Thom. ad illud Christi apud Joan. 17. *Ego pro his rogo, non pro mundo rogo:* Sic interpretatur: *Christus quantum est de se pro omnibus oravit: quia oratio sua, quantum est de se, est efficax pro omnibus, ut valeat toti mundo; sed tamen non in omnibus sortitur effectum, nisi in Sanctis, & electis Dei, & hoc propter impedimentum mundanorum.* Quod explicat, & confirmat Ang. Mag. contra Gent. cap. 159.

Opponit. 6. Aug. lib. 1. de Adult. Conjug. cap. 15. dicentem: *Sicut omnis, qui Christi sanguine redemptus est, est homo; non tamen omnis, qui homo est, sanguine Christi redemptus est.*

Resp. August. Loqui de Redemptione stricta, seu completivè sumpta per collationem gratiæ efficacis, ex amore efficacis;

quam misericorditèr electis contullit , ex speciali affectu erga eorum salutem ; non verò de Redemptione latè sumpta , & omnibus hominibus communi , per collationem gratiæ sufficientis , qua possent salvari , si vellent , in quo sensu accipiendus est Anselmus in Elucid. dicens : *Christus pro solis electis mortuus est. Nichil contullit reprobis mors Christi ob sua demerita. Quod planè hæreticum est , nisi adijciatur interpretatio.*

Locis supra adductis Anselmus , & Augustinus suam mentem , & sæpè alibi explicuit August. docens , Catholicam veritatem , scilicèt , Christum pro omnibus mortuum esse. In Psal. 25. ait : *Judicabis Orbem terrarum in æquitate , non partem : quia non partem emit : totum judicare habet , quia pro toto pretium dedit.* Ergo omnes judicandi sunt , quia omnes sunt redempti. Et Serm. 31. ait : *Sanguis Christi , si vis , datus est pro te ; si nolueris , non est datus pro te ; id est , si benè uteris salvus eris : igitur & reprobis profuit sanguis Christi : quia per ejus merita obtinuerunt auxilia sufficientia , quibus possent salutem consequi ad arbitrium suæ voluntatis : quod magnum privilegium est ; Non profuit reprobis , quatenùs ipsis non communicatur gratia effîcax , seu quatenùs ipsi noluerunt cooperari gratiæ ex meritis Christi collatæ , qua possent , & præcepta servare , & salutem obtinère.*

§. XV.

NOVATORUM VERSIONES , ET EFFUGIA
enervantur.

Scripturæ , & SS. Patrum testimonia intelligenda sunt , ait Jansenius , de Redemptione pro omnibus , quoad sufficientiam ; non verò efficientèr , seu quoad efficaciam. Sufficientèr : quia sufficiens pretium obtullit pro redimendis omnibus , non efficientèr : quia non omnibus voluit applicare Redemptionem , cui conformitèr dicere solent Scholastici : Christum omnes redemisse *sufficientèr* , sed non *efficientèr*.

Calvinistæ hanc distinctionem sufficientiæ , & efficientiæ usurpant à DD. Scholasticis , at illa subdole abutuntur specioso fûco doctriinæ , apud Theologos communitèr receptæ , sed inanis præstigijs , lectores ludificantur. DD. Catholici , dum cum Apost. asserunt , Christum D. pro omnibus hominibus se dedisse Redemptionem , quoad *sufficientiam* , non tantùm significant

merita Christi sufficientia esse ad omnium Redemptionem, sed affirmant ex meritis Christi omnibus preparari, & conferri media sufficientia ad salutem, pro quibus obtinendis Christus D. sua merita obtulit: quod negant Novatores, qui fatentur sufficientiam pretij pro redimendis omnibus; negant verò fuisse pro omnibus oblatum.

Itaque præacta distinctione tantum significant merita Christi, utpotè infiniti valoris abundè suffecisse pro redimendis proterus omnibus hominibus, dummodò Christus pro salute omnium voluisset offerre, sed noluit, nisi pro salute Æterna Prædestinatorum, ut Janfenius tenet, & pro temporanea fidelium iustitia, ut addit Noris. Verùm si ad tenendam hujus articuli fidem sufficienti enunciatum sensum amplecti, nullus hæreticorum jure damnatus fuit, siquidem fatentur omnes Christi merita, utpotè pretij infiniti suffecisse non solum pro redimendis omnibus hominibus, sed etiam, ut Janfenius ait, pro redimendis Dæmonibus; attamen cum hæc sufficientia reperta in meritis Christi non sufficiat, ut Christus verè dicatur Dæmonum Redemptor, nec sufficiens hæc tantum est, ut asseratur vi illius Christum esse Redemptorem omnium hominum. Quo pacto captivorum Redemptor dicetur Princeps, ex eo quod Thesauris abundet, si pretium pro redemptione offerre nolit?

Dices: Christum mortuum esse pro extinguendo peccato originali, quod non in Dæmonibus repertum est, sed tantum in hominibus: itaque respexit causam hominibus communem. Sed contra: hoc nihil est nisi verba fundere: Quæro: An Christus fuerit Redemptor in abstractione Logica. An intentio Christi respexerit peccatum originale in confesso? Minimè: Illud quidem respexit, prout in omnibus, & singulis hominibus reperitur (excepta SS. Deipara) Quid ergo indè solatij miseris infidelibus, aut subsidij est, ob quod ipsi teneantur agnoscere Christum Redemptorem suum, si Christus eos omnes in mente sua distinctissimè concipiens, ipsos excluserit? Quomodò peccatum originale extinguere voluit in illis, quibus numquam obligit, ex illa infinita sufficientia, nec justificatio, nec auxilium sufficiens ad justificationem? Profectò, infideles in sua cæcitate decedentes, juxta Novatorum doctrinam, nihil plus à Christo receperunt, quam Dæmones: Nec benignioris voluntatis habuit erga illos, quam erga Dæmones Redemptor.

Validior, sicuti Quenello, Norisio, & Novatoribus elabendi
spes

spes ponitur in illo Conc. Trident. Sess. 6. cap. 3. *Verum & si ille pro omnibus mortuus est, non tamen omnes beneficium mortis ejus recipiunt, sed ij dumtaxat, quibus meritum passionis ejus communicatur.* Ex quo (ajunt) satis intelligitur, quomodo Christus dici potest omnium Redemptor, etiam eorum, qui nullum à morte ejus beneficium, sive auxilium receperunt, ut sunt parvuli sine Baptismo decedentes, & qui eis comparantur, videlicet, perpetuo amentes.

Resp. Hoc argumento utuntur Jansenistę ad probandum non dari gratiam sufficientem; His tamen verbis ostendit Concilium adversus Jansenium, Christi mortem non solum oblatam esse pro electis, sed etiam pro reprobis, qui beneficium mortis ejus non recipiunt, quia nolunt; & ideo illis non communicatur. Itaque Tridentinum non agit hic de auxilijs gratię actualis, sed de gratia justificante, quę absolutè, & strictè beneficium mortis Christi appellatur. Hic passionis fructus, & si Christus pro omnibus mortuus sit, non ab omnibus recipitur, & de hac communicatione agit hic Concilium, ut indicat titulus capituli: *Qui per Christum justificantur.* Et subnectit Conc. *Nisi in Christo renascerentur nunquam justificarentur: cum ea renascentia per merita passionis ejus, gratia, qua justı fiant illis tribuatur.* Neque in reliquo capituli ulla fit aperta mentio gratiarum actualium.

Quoad parvulos satis inter Theologos agitata est quęst. nec animus est eorum cogitationes aut probare, aut refellere: indicare sat erit, ut Scripturarum dogma, & SS. Patrum testimonia, quę sine ulla exceptione parvulos paritèr comprehendunt. *Nunquid parvuli homines non sunt, ut non pertineant ad id, quod dicitur: Vult omnes homines salvos fieri.* Sic August. lib. 4. cap. 8. contra Julian. Scopus Apostoli est: pro omnibus orandum: *Quia Christus pro omnibus mortuus est: ergo sententia Apostoli ad parvulos etiam pertinet.*

Parvulis Deus, ut cum D. Prospero opinantur nonnulli, remedia providit dependentèr à voluntate, & pijs orationibus Parentum, quibus inspirationes confert, ut pro eis orent ad salutem, & si illi responderent, non morerentur absque Baptismo parvuli. Sic lib. 2. de Vocat. gent. cap. 2. *Non irreligiösè arbitrator credi, quod isti paucorum dierum homines ad illam pertineant gratię partem, quę semper unıversis est impensa nationibus, qua utique si benè uterentur parentes, etiam ipsi per eos juvarentur.* Consequentèr dicant: Deum velle parvulorum salutem, si & ipsi velint, non

non propria voluntate, sed voluntate Parentum, qui sunt ejus tutores. Dum verò Aug. in contrariam partem inclinat asserens per Deum stare, ne parvuli salutem accipiant intelligendus est de nolitione consequente ad culpam Parentum.

Resp. 2. Sicut officium Redemptoris communis, & universalis, non requirit, ut omnibus concedantur auxilia efficacia, quibus justificatio, & gloria certissimè consequatur; Ita neque ad illud pertinet naturę ordinem immutare, & impedire ne ullus unquam in terris infidelium perpetua laboret amentia, nevé ullus in utero Matris moriatur parvulus absque Baptismo; satis est, si ex Salvatoris meritis singulis remedia, cuilibet statui accommodata, præparentur; adultis, qui capaces sunt, illustrationes, & inspirationes, quibus justitiam, & salutem consequi valeant, si velint. Parvulis Baptismum, quem cupit omnibus obvenire, in Orbem terræ mittens Apostolicos viros, plures ad hoc vocans, & omnibus jubens pro omnium salute sollicitare Deum.

Expediior via videtur: Christum Dominum seipsum dedisse Redemptionem pro parvulis, vereque orasse pro eorum salute, inefficacitèr tamen, & conditionatè, sicut oravit pro sua vita temporali, dicens: *Transseat à me calix iste, verumtamen non quod ego volo, sed quod tu.* Itaque in hypothesi, quod sic oraverit Christus pro parvulorum salute, optimè salvatur, quod voluntate sincerissima, & seria voluerit parvulis applicari Baptismum, offerendo suam sanguinem pro parvulorum salutè, dependentèr tamen à beneplacito Patris. Dicitque similiter, potest Deum serio voluisse parvulorum salutem inefficacitèr, & conditionatè, videlicèt sub conditione, quod Christus peteret pro eis efficacitèr, & absolutè, quod erga Dæmones dici non potest.

HISTORIA FELAGIANA. Lib. 1. cap. 23. col. 224.

§. XVI.

DEUS JUBET QUANDOQUE QUOD NON
possumus.

Hominum nemo usque adèd Tyrannus fuit, ut legem imponeret ijs, qui eam observare non possent, & pœnas exigeret, si impleta non sint: quam iniquitatem auget, si media adimplendum præcepta necessaria, in solius præcipientis sint po-

reltate, & tamen ea dare nolit. Qua ergo æquitatis specie Deo justissimo, & optimo hæc adscribi possunt? Nihilominus Augustino adscribit, & cum Jansenio profert.

NORIS.

Deus jubet quandoque quod non possumus, ut ab eo noverimus quid petamus.

JANSENIUS.

Illâ impotentia non solum reperitur in excæcatis, & obduratis, sed etiam in fidelibus, non tantum quando nolunt præcepta servare; sed etiam quando volunt. Tom. 3. lib. 3. cap. 13.

QUENELLUS. Prop. 4.

Ita Domine, omnia possibilia sunt ei, cui omnia possibilia facit. Damnata, ut suspecta de hæresi Janseniana.

CALVINUS.

Sit extra controversiam impossibile esse in hac carne legis implementum. Lib. 2. Inst. cap. 7.

LUTHERUS.

Pessima facis, quod negas Salvatorem impossibilia jussisse: non possumus in hac vita præcepta Dei implere. In Resp. ad Dial. Sylves.

En ex quibus Jansenius hausit errorem istum, non ex Augustino, ut opinatur Noris, cum Scripturæ, & SS. PP. illi aper-tissimè repugnent.

Deuter. 30. v. 11. *Mandatum hoc, quod ego præcipio tibi hodie, non supra te est, nec procul positum, sed juxta te est sermo val-dè in ore tuo, & corde tuo, ut facias illud.*

JANSENIUS.

Jubet Deus quæ non possumus, ut noverimus, quod ab eo petere debeamus. Lib. 2. Inst. cap. 5.

JANSENIUS.

Aliqua Dei præcepta hominibus justis volentibus, & comantibus secundum præsentem, quas habent vires, impossibilia. Damnata ut hæretica.

LUTHERUS.

Tot Scripturæ testimonia præbent mandatum esse impossibile nobis, ut nihil manifestius. In Confut. Latomiana.

LUTHERUS.

Impossibile est humanam naturam implere legem. Epist. ad Galat. cap. 4.

MELANCTHON.

Extrema impietas est sentire, quod Decalogo ita satisfaciant, ut merita supersint: cum hæc præcepta omnes Sanctos accusent: Diliges Deum. Non concupisces.

1. Joan. 5. v. 3. *Mandata illius graviora non sunt.*

Luc. 19. v. 21. *Regnum Dei intra vos est.*

Math. 11. v. 28. *Iugum meum suave est, & onus leve.*

Concil. Trident. sess. 6. cap. 11. *Nemo temeraria illa, & à Patribus sub anathemate prohibita voce uti debet. Dei præcepta homini justificato esse ad observandum impossibilia. Et can. 18.*

Augustinus Serm. 191. de Temp. *Execramur blasphemiam eorum, qui dicunt aliquid homini à Deo esse præceptum, & mandata Dei non à singulis, sed ab omnibus in communi posse servari.*

Lib. de Nat. & Grat. cap. 69. ait: *Firmissime creditur Deum justum, & bonum, impossibilia non potuisse præcipere. Hinc admonemur, & in facilibus quid agamus, & in difficilioribus, quid petamus.*

Serm. 61. de Temp. *Nec impossibile aliquid potuit imperare, qui justus est.*

Lib. 2. de Peccat. Merit. & Remis. cap. 3. *Quasi nostrum hoc nullus ignoret, quod si nolumus non peccemus: nec præciperet Deus homini, quod esset humane impossibile voluntati.*

Lib. 1. de Genes. adv. Manich. *Qui se ad ejus præcepta servanda convertunt, quod omnes homines possunt si velint. Hoc asserere de Pelagianismo accusat Jansenius, & communiter Novatores. Sed qua fronte eorum error adscribitur Augustino, qui aded expressis terminis præcepta impossibilia rejicit, concludens: Dubitare non possum, nec Deum aliquid impossibile homini præcepisse. De Peccat. Merit. cap. 6.*

D. Thom. de Verit. quæst. 24. art. 4. ad 1. *Quod præcepit Deus, non est impossibile homini ad observandum.*

Hieron. lib. 3. adv. Pelag. *Deus possibilia mandavit: hoc nulli dubium est. Et in Matth. 5. ait: Sciendum Christum non impossibilia mandavit, sed perfecta.*

Basiliius in Orat. *Attende tibi. Impium est dicere impossibilia esse spiritus præcepta. Et in Reg. brevi, resp. 176. ait: Sine dubio non præcepisset hoc Deus, qui bonus est, nisi etiam facultatem, qua id faceremus fuisset largitus.*

Chrysost. Hom. 16. in Epist. ad Hæb. *Non potes dicere: non possum; neque accusare conditorem, si enim impotentes nos fecit, & deinde imperat, culpa ejus est: quomodo ergo dices: multi non possunt: quomodo ergo multi nolunt, si enim voluerint omnes poterunt. Et Homil. 18. in Matth. Ne igitur impossibilia putemus esse præcepta, quæ certè, & utilia nobis sunt, & valde facilia.*

Præsidium existimant habere Novatores in Tridentino, ubi ait sess. 6. cap. 11. *Deus impossibilia non jubet, sed jubendo monet facere, quod possis, & petere, quod non possis.*

Resp. Dum Conc. ait: Quod debemus petere, quod non possumus, non supponit, ut adversarij fingunt, non adesse nobis sufficientiam physicam, sed sufficientiam moralem, quam petere debemus: quia sine illa ob magnam difficultatem communiter, dicitur impossibilis adimpletio præcepti, ut bene notavit D. Thom. 3. p. q. 86. ad 2. *Dici solet absolute impossibile, quod sine magna difficultate impleri non potest.* Sic ad Heb. 6. dicitur: *Impossibile est eos, qui semel illuminati, & prolapsi sunt, rursus renovari ad penitentiam, quod nequit intelligi de Impotentia Physica, sed tantum de Morali.* Et August. lib. de Nat. & Grat. cap. 69. ait: *Hinc admonemur, & in facilibus quid agamus, & in difficilioribus quid petamus.* Nos igitur gaudemus semper sufficientia physica ad observandum præcepta: si enim illa deesset, nullatenus in non observatione peccaremus: quia nemo peccat in eo, quod vitare non potest. Nemo igitur peccat sine gratia sufficienti ad non peccandum.

Si tamen à Jansenio inquiras: quomodo peccant homines violando præceptum, quod implere non possunt? Interdum respondet: Possit hominem, dum vires non habet adimplendum præceptum, illud servare *remotissime*: per solam liberi arbitrij *flexibilem facultatem ad bonum, & malum*, in quo tantum significat radicalem voluntatis flexibilitatem, quæ remanet etiam, dum voluntati adjungitur necessitas simpliciter antecedens. Quandoque usurpatis dolose terminis, ait: Possit *remote*, sed revera tantum admittit potentiam quandam conditionatam, nempe: Si vires ad orandum dentur à Deo, etsi oratione exaudita conferantur à Deo vires ad observandum præceptum: quæ potestas, ut supra insinuavimus, similis est potestati, quam Jansenius habet ad volandum, si à Deo ipsi conferantur alæ. Si verò insistas: An peccet homo dum vires, seu delectationem victricem ad orandum non habet? Tunc respondet, peccatum haberi *in causa*, nempe in peccato Adæ, cum in illo peccaverimus, & contraxerimus formitem peccati, & carnalem concupiscentiam, qua determinamur ad malum, cum potuerimus non peccare in Adamo, & sic vitare hoc peccatum in causa, licet nunc deficient vires ad non peccandum; in quo infra simul cum Norisio, qui negat in statu naturæ lapsæ libertatem ad bonum, convincetur.

§. XVII.

PECCATO ADÆ LIBERUM ARBITRIUM NON PERIIT,
*sed libertas ad faciendum bonum, quæ sola servatoris
 gratia restituitur.*

Janseniana, atque Bajana dogmata, nusquam non diffundere contendit Noris. Admittit quidem in statu naturæ lapsæ liberum arbitrium, negat verò libertatem ad faciendum bonum, sine servatoris gratia. Si verò scire velis, quamam ista speciosa distinctio sit, inter liberum arbitrium, & libertatem? Seu quo pacto deficiente libertate permanet liberum arbitrium? Rejeto terminorum involucro paucis accipe: Quia non periit libertas à coactione, sed dumtaxat libertas indifferentiæ, quæ minimè requiritur, ut voluntas libera dicatur: *Omnis omninò voluntas, quantumcumque ad unum determinata, nulla tali necessitate, qua dicitur: neesse esse, ut velit, definit esse libera.* Jansen. tom. 3. lib. 6. cap. 6. *Quod sola necessitas coactionis adimat libertatem demonstrari potest, ibidem.*

Neuriquam negabit Noris post peccatum remansisse libertatem à coactione, quam nec Calvinus, nec Jansenius negant in statu naturæ lapsæ, sed tantum libertatem indifferentiæ, quam post peccatum periisse contendunt libertatis hostes. Contra quos fide certa tenendum est, etiam post lapsum superesse naturalem facultatem liberam, quæ requirit in potentia indifferentiam ad agendum, & non agendum positis, jam omnibus ad agendum prærequisitis. Undè hi articuli proscripsi sunt ab Ecclesia: *Sola violentia repugnat libertati. Quod voluntariè fit, etiam si necessario fiat, liberè tamen fit.* Profectò si ea, quæ fuit ante lapsum in Adamo arbitrij flexibilitas in utramque partem, in nos transfusa non est (licet diminuta) ut vi illius sit potestas indifferens ad agendum, & non agendum, extincta penitus in nobis erit libertas, prout contendit Calvinus, Lutherus, Bucerus, & communiter Sectarij; quid enim amplius requiritur, ut sublata sit humani arbitrij libertas, quam, ut nulla sit indifferentia ad agendum. Solus enim actus ille dicitur liber, quem voluntas positus omnibus ad agendum, vel non agendum, efficere, vel non effi-

cere potest. Ex mente Conciliorum, & Scripturarum SS. Patres, tam Græci, quàm Latini, à primo Ecclesiæ exordio, per omnia sæcula, & in primis Augustinus, & ejus discipuli indifferentiam voluntatis ad utrumlibet, expeditam vinculo necessitatis antecedentis, ita cognovere, ut in manu nostra sit eligere, & non eligere, parere Deo, vel non parere, quocumque demùm voluntatem inflectere, collatamque gratiam à nobis negligi. Ergo in Jansenij castra inducitur asserendo.

NORIS.

Per peccatum perijt libertas ad bonum.

eligere, hoc eligere, vel illud bonum. Tom. 3. lib. 6. cap. 4.

JANSENIUS.

Cum arbitrio in utramque partem libero, conditus est primus homo, sed ex spontanea discretione, illa libertatis indifferentia perijt. Tom. 3. lib. 7. cap. 10.

JANSENIUS.

Libertas ad faciendum bonum, & ad abstinendum à malo interijt, & loco libertatis peccandi necessitas consecuta est. Tom. 3. lib. 1. cap. 4.

JANSENIUS.

Nec est umbra ulla in omnibus scriptis Augustini, quod libertatem in eo fieri velit, quod voluntas possit eligere, vel non

JANSENIUS.

Recentiores, qui imaginantur illum tantummodò actum esse liberum, quem pro libito positis omnibus ad agendum necessarijs possumus facere, vel non facere, sine dubio falluntur. Tom. 3. lib. 6. cap. 4.

LIBERTATEM INDIFFERENTIÆ EXPUNGIT.

- CALVINUS. In Antidoto, sess. 6. ad can. 5. & lib. 2. Instit. cap. 2. §. 7. cap. 3. §. 5. & lib. 1. cap. 15. §. 18. de Liber. Arb. contra Phygium, lib. 2.
- LUTHERUS. In Psalm. resolut. circa conclus. 7. & tom. 3. de Serv. Arbit. Et in Genes. cap. 3.
- MELANCTON. In Locis Theolog. Witemberg de Viribus Hominis, & Lib. Arb.
- CHAMIERUS. Tom. 3. lib. 2. cap. 8. num. 21. & lib. 2. cap. 4. n. 2.
- BUCCERUS. Lib. de Concordia doctrinæ, quibus adherent cum Wiclefistis, & Quenello refractarij.

JANSENIUS. *Paradoxon est inauditum in Augustini doctrina, quod actus aliquis voluntatis propterea liber est, quia ab illo desistere voluntas, & non agere possit.* Tom. 3. lib. 6. cap. 4. col. 16.

PETRUS DE LIGNI. *Declaro coram Deo me credere libertatem in differentia in statu naturæ lapsæ non esse nisi chymericam, & purum inventum hominum, & Philosophiæ Pelagianæ reliquias.* In Profef. Fidei, numer. 3.

Arte sibi familiari Jansenistæ volentes, nolentes, sibi servire faciunt Scripturæ, & SS. PP. testimonia, atamen nec ipsa verba, quæ à verò sensu avulsa pro se adducunt ipsis patrocinantur; sed potius adversa sunt. Si aliqua vel obscure loquuntur, vel in specie ipsis favere videntur, ipsdem, vel vicinis locis tam disertè docent libertatem indifferentiæ ad utrumlibet, ut alienis oculis, aut pessima fide pro sua sententia attulisse videantur.

§. XVIII.

EX SCRIPTURIS, CONCILIIJS, ET PATRIBUS LIBERTAS indifferentiæ firmatur.

Genesis 4. v. 7. *Nonne si benè, egeris recipies, si autem male subte erit appetitus tuus, & tu dominaveris illius.*

Deuter. 30. v. 19. *Testes invoco Cælum, & terram, quod proposuerim vobis vitam, & mortem, elige ergo vitam, ut tu vivas.*

Josue 24. v. 16. *Optio vobis datur eligite hodiè, quod placuerit vobis.*

Eccles. 15. v. 16. *Si volueris mandata servare, conservavunt te: ad quod volueris porrigere manum tuam: & 31. v. 1. Qui potuit transgredi, & non est transgressus facere mala, & non fecit.*

Matth. 19. v. 21. *Si vis perfectus esse, vade, & vende que habes, & veni sequere me.*

Concil. Trid. Sess. 6. cap. 5. can. 4. *Tangente Deo cor hominis inspirationem illam recipiens abijcere potest. Hic indifferentiam libertatis commendat, & necessitatem excludit. Gratia facultatem adfert ad operandum supernaturalitèr, & hominem ad hoc invitat, at indifferentiam, quam gratia invenit minimè destruit.*

Can. 4. *Si quis dixerit : Liberum hominis arbitrium à Deo motum, & excitatum :: Deo vocanti, & excitanti non posse dissentire si velit. Anathema sit.*

Araucanicum 11. can. 25. *Hoc secundum Catholicam fidem credimus, quod accepta per Baptismum gratia, omnes, quæ ad salutem pertinent, possit, & debeant, si fidelitèr laborare voluerint, adimplere, frustra additur si voluerint, si non datur flexibilitas ad utramque partem.*

Constanciense Sect. 8. damnat art. 27. Wiclefi dicentis: *Omnia de necessitate evenire, & wiclefista asserebant: Deum non necessitare ad bonum, necessitate coactionis; sed tantum necessitate opposita indifferentiæ. Nec isti consequentèr renuunt dicere liberum arbitrium remansisse post peccatum, & libertatem ad bonum perijsse.*

Senovenfe. In Decretis fidei, decreto 15. ait: *Cum reliquerit Deus hominem in manu consilij sui, apposueritque coram eo ignem, & aquam, bonum, & malum, ut ad quodcumque voluerit porrigat manum suam, nec abs re beatus ille dicitur, qui potuit facere, & non fecit, transgredi, & non est transgressus :: ac denique percurrenti sacram paginam passim obvium sit, quod liberum in utranvis partem hominis arbitrium asseveret.*

Augustinus: *Unusquisque habet in voluntate, aut eligere quæ bona sunt, & esse arbor bona, aut eligere quæ mala sunt, & esse arbor mala. Lib. 2. de Gestis cum fœlice Manich.*

Idem: *In tuo arbitrio possuit Deus, cui pares locum, Deo, an Diabolo. Lib. 5. Hom. hom. 16.*

Idem: *Si natura, vel necessitate iste motus existit, culpabilis esse nullo modo potest. Lib. 3. de Lib. arb. cap. 1.*

Hieronymus: *Hoc est quod tibi in principio dixeram: in nostra esse positum potestate peccare, vel non peccare, vel ad bonum, vel ad malum extendere manum, ut liberum servetur arbitrium. Dialog. 3. contr. Pelag.*

Idem: *Liberi arbitrij nos condidit Deus, neque ad virtutes, neque ad vitia necessitate trahimur, alioquin ubi necessitas est, nec damnatio, nec corona est. Contr. Jovin. cap. 2.*

D. Thom. *Quidam possuerunt, quod voluntas hominis ex necessitate movetur ad aliquid eligendum, nec tamen ponebant, quod voluntas cogeretur, non enim omne necessarium est violentum :: Hæc autem opinio est hæretica: tollit enim rationem meriti, & demeriti. In Qq. Disp. disp. 6. de Malo.*

Idem:

Idem : In libero arbitrio hoc modo agit Deus , ut virtutem agendi ministraret , & ipso operante liberum arbitrium agat ; sed tamen determinatio actionis , & finis in potestate liberi arbitrij constituitur. In 2. dist. 25. art. 1. ad 3.

Ambrosius in Pl. 40. Homini dedit eligendi arbitrium , quod sequatur : possuit , inquit , ante te bonum , & malum , si malum elegeris , non natura delinquit , sed eligentis affectus.

Athanasius contra Idola. Anima libera est : & sui arbitrij , potest enim , ut ad bona se inclinare , ita bona quæque adversari.

Cyprian. lib. 3. ad Quirinum , cap. 1. num. 52.

Cyril. Alexand. lib. 2. in Joan. cap. 54. & lib. 4. cap. 3.

Bernardus in Cant. ferm. 81.

Justinus Apolog. ad Imp. Antonin.

Irenæus lib. 4. Adv. hæreses , cap. 9.

Clemens Romanus Epistol. 3. & Apost. Constit. libr. 6. cap. 20.

Tertulian. Exort. ad Castit. cap. 1.

Origen. hom. 4. in Cant. Et quis non SS. PP. Catholicam istam veritatem non firmat.

Augustinus minimè Norisio favet ; imò & iste interpretatū tenetur S. Doctorem , dum significat liberum arbitrium per peccatum periisse. Sic ait Enchirid. 30. *Libero arbitrio male utens homo , & se perdidit , & ipsum :::: Cum libero peccaretur arbitrio , victore peccato , amissum est liberum arbitrium : conciliandus igitur est Augustinus cum Tridentino dicente : Sef. 6. can. 5. Si quis dixerit liberum hominis arbitrium , post Adæ peccatum amissum , & extinctum esse. Anathema sit.* Restat ergo dicere : S. D. Nomine liberi arbitrij hinc intellexisse libertatem , illam nempe , quæ post peccatum perijt ; non libertatem indifferentiæ , ut meditantur Novatores , sed libertatem à culpa , & à debilitate , quam per peccatum contraximus. Libertas , quam perdidimus consistebat in justitia originali , in donis gratiis , facilitate , & promptitudine ad operandum bonum : quod explicat de verbis Apostoli ferm. 2. August. dicens : periere per peccatum : *Magnæ vires arbitrij , quas homo cum conderetur accepit.* Et lib. 1. contra duas Epist. Pelagij , ait : *Libertas quidem perijt per peccatum , sed illa , quæ in Paradiso fuit habendi plenam cum immortalitate justitiam , propter quod natura indiget gratia.*

Itaque voluntas nostra etiam post peccatum suam retinet naturalem libertatem, qua possit agere, & non agere, eligere bonum, & illud averfari; attamen eam libertatem, qua fiat libera à servitute peccati non consequitur, nisi per Christi gratiam. *Debemus ergo credere: quod per peccatum primi hominis ita inclinatum, & attenuatum fuit liberum arbitrium, ut nulla potentia, aut diligere Deum, prout oportet, aut credere in Deum, aut operari propter Deum, quod bonum est possit, nisi gratia, & divina misericordia præveniret.* Ut definit Concilium. Sicut ergo Pelagianum est dicere, quod sine gratia habemus libertatem ad aus salutares eliciendos; ita Baj. num est asserere, nos sine gratia superna non habere potestatem, nisi ad malum.

Quapropter, si velit Noris, dum ait: *Peccato periisse libertatem arbitrij, quod nulla potestas remansit ad bonum ali-quod ordinis naturalis, sine servatoris gratia, incidit in errores Baij, & Jansenij, quos sequitur Quenellus Prop. 1. Quid aliud remanet animæ, quæ Deum, & ejus gratiam amisit :::: nisi generalis impotentia ad omne opus bonum.* Et Prop. 2. *Jesu-Christi gratia ita necessaria est ad omne bonum, ut absque illa non solum nihil fit, sed nec fieri potest.* Et recudit Prop. 65. Baij. *Non nisi Pelagiano errore potest admitti aliquis usus bonus liberi arbitrij, & gratiæ Dei injuriam facit, qui ita sentit.* Vide hùc expectantia, quæ supra rejecimus à §. III.

Neque in subsidium venit Novatorum sententia Rip. qui existimat, in præfenti providentia, quoties oportunitas insurgit ponendi actum virtutis naturalis conferri à Deo auxilium ad eliciendum actum ordinis superioris: procùl enim absunt hujus sententiæ Patroni ab errore impugnato: ipsi enim fatentur post peccatum remansisse liberum arbitrium attenuatum, non verò extinctum: quare casu quo Deus subtraheret gratiam, actus ille evaderet moralitèr virtuosus; cum gratia illa quam meditantur, non requiratur absolutè ex defectu virium in libero arbitrio ad actum moralitèr bonum eliciendum; Quidquid sit an requiratur aliquod auxilium naturalis ordinis, minimè liberum arbitrium elevans.

LEX REOS FACIT JUBENDO.

Includit hæresim wiclefi, Lutheri, Calvini, Janfenij, & Quenelli, qui ex illo Apost. ad Galat. 3. 19. ait: *Quid igitur lex? Propter transgressiones posita.* Legunt cum Janfeniitis Gallia: *Lex ad faciendum Reos, seu prævaricatores posita est: quasi finis legis fuerint ipsæ prævaricationes.* Contra Psal. 5. *Quoniam non Deus volens iniquitatem tu Es.* Et Apost. ad Rom. 8. *Lex ergo peccatum est? absit.*

JANSENIUS.

Lex justitiam redditit difficiliorem, & quasi muro interposito impossibilem. Tom. 3. lib. 1. cap. 8. col. 33.

JANSENIUS.

Lex talis hominibus infirmis data, qua peccatis afflictis, gravius adhuc affligerentur. Tom. 3. lib. 1. cap. 10. col. 41.

JANSNIUS.

Non dabatur eis gratia sufficiens implendi, quod jubebatur; multò minus gratia sufficiens ad salutem, sed è contrario talis gratia latiori legis, & Scopo Dei capitalitèr repugnabat. Lib. 3. de Grat. Christi, cap. 5.

CALVINUS.

Legem propter transgressiones positam esse docet Apostolus, nempe, ut homines damnationis convictos humiliaret. Lib. 2. Inst. cap. 7. §. 2.

LUTHERUS.

Quo plus conantur homines satisfacere legi, hoc magis transgrediuntur. Epist. ad Galat. capit. 5.

LUTHERUS.

Lex spiritualitèr ostendit nobis peccatum, per terrefacit, & humiliat: atque is totus effectus, & proprius legis est. Ibid. cap. 3.

QUENELLUS.

Consonat Prop. VI. & VII.

Ex his facilè descendit conclusio à Norisio inducta; quam perperam adscribit Augustino; videlicèt, *legem Reos*
fa

facere jubendo, quæ licet erronea sit, procedit tamen consequenter, cum statuerit Deum quandoque jubere, quod non possumus.

Lex igitur Reos non facit; sed libera transgressio legis. Vel enim subditus, cui lex imponitur habet sufficientiam ad eam implendam, vel non? Si primum, non lex Reum facit, sed transgressor ipse Reus efficitur. Si non habet sufficientiam adimplendam legem, implicat esse Reum: quia nemo peccat in eo, quod virtute non potest. *Quis enim peccat* (ait Aug.) *in eo, quod nullo modo cavere potuit? Peccatur autem; cavere igitur potuit.* Lib. 3. de Lib. arb. cap. 18. & lib. de Duab. animabus, cap. 12. ait: *Dicere Reum teneri quempiam, quia non fecit, quod facere non potuit, summe est iniquitatis, & amentię haud secus, ac insania, & crudelitas foret cœcum miserabilem punire, quia non videt.* Effingunt igitur adversarij Deum, instar Tyranni, legis jugum imposuisse, quod ferre non poterant, eis denegando vires ad illud portandum necessarias. Et cum Scopus Janfenistis sit, sicut Calvinistis, & Lutheranis Augustini verba in reprobum sensum detorquere, oportet S. Doctoris mentem breviter exponere.

Opponent. 1. August. in Explic. Epist. ad Galat. n. 24. Ubi de Judæis ait: *Illæ, quæ ad bonos mores pertinent implere, omninò non poterant; non autem implet legem, nisi charitas.* Resp. Nec August. dicit, nec salva fide dici potest, quod Augustino adscribitur. S. D. tantum asserit, illos, qui legem servabant, exterius tantum, servili metu mortis ab hominibus instigandæ, non posse omninò legem à Deo impositam adimplere, ex motivo, videlicet, purè humano.

Opponent. 2. August. de Spir. & Lit. cap. 4. *Doctrina quippè illa qua mandatum accepimus continenter, rectèque vivendi, littera est occidens, nisi adsit spiritus vivificans.* Resp. 1. Hic loquitur August. contra Pelagianos intendens, quod si solum daretur lex, & doctrina exterior, nos obligans ad salutare operationes; & simul deesset nobis gratia interior spiritus vivificantis, qua adjuti possemus illas elicere, lex potius noceret, & obesset ex defectu sufficientis gratiæ, tunc enim casus, ex tali defectu sufficientiæ ad implendam legem, hæc nos reos inevitabiliter efficeret. Itaque ubi August. ait: *Judæos non potuisse divinæ legis præcepta adimplere*, vocavit

impossibile, ut passim fit, quod sine magna difficultate implere non potest: quia *sapissimè asserere solemus impossibile nobis esse*, quod sine difficultate perficere non valemus. Ut ait Anselm. de Concor. Grat. & Liber. Arb. cap. 3. Nec aliud dicere potuit August. qui lib. de Fide in Manichæos, cap. 9. ait: *Quis non clamat stultum esse præcepta dare ei, cui liberum non est, quod præcipitur facere, & iniquum esse damnare, cui non fuit potestas jussa adimplere.*

Dum August. innuit legem occidere: quia sine gratia impleri non poterat, non significat deesse gratiam subditis; sed legi: quare aliud est gratiam deesse legi, quod August. fatetur, & aliud gratiam deesse Judæis, quod S. Doctor constantèr negat, & in hoc consistit, sive dolum, sive adversariorum inscitia. Gratia deerat legi: quia lex vetus, nec continebat, nec conferebat gratiam, sicut illam includit, & confert, ratione Sacramentorum Lex Evangelica; Deus tamen illis gratiam, qua præcepta adimplere poterant conferebat. Sic disertè August. tract. 3. in Joann. *Lex ergo jubet, dator verò legis miseretur, & adjuvat in eo, quod lex jubet.* Et Tract. 53. in Joan. 12. de Judæis ait: *Non poterant credere: quare autem non poterant credere? Si à me queratur, cito respondè: quia volebant.* Et D. Thom. 1. 2. q. 98. art. 2. ad 4. ait: *Dicendum: quod quamvis lex vetus, non sufficeret ad salvandum homines, tamen aderat aliud auxilium à Deo simul hominibus cum lege, per quod salvari poterant, scilicèt fides mediatoris, per quam justificati sunt antiqui Patres, sicut etiam nos justificamur.*

Ad textum Apost. in contrarium adductum. Respondet Angelic. Præcept. lect. 7. in cap. 3. ad Galat. dicendo: *Propter transgressiones posita est lex; id est, ad transgressiones cobibendas: est ergo lex primo data ad reprimendam malitiam. Exit demùm contra Adversarios prop. 5. ab Alexand. VIII. damnata. Pagani, Heretici, Judæi, alijque hujus generis nullum accipiunt ab eo influxum; adeoque hinc rectè inferes, in illis esse voluntatem inermem, nudam, sine ulla gratia sufficienti.* Paucis habes, cordatissimè Lector, pluribus brevitate gratia prætermisissis, quod promissi, nonnullas nempe Norisianas Theses oppugnatas. Aliæ, expectato verborum sensu, nulli subsunt æquivocationi, nec benigniorem, & ortho-

doxam possunt admittere interpretationem ; si tamen alia
æquivocæ (quæ idèd *captiosæ*, seu *redolentes Jansenismum* ap-
pellantur) appareant, tum ex doctrinæ connexionè, tum
ex adjunctis ejusdem Authoris assertionibus, sine ulla am-
biguitate, earum spiritus, & sensus adèd apertè convinci-
tur, ut penitèns me fugiat quoniam pacto impartialis ani-
mus, & veritatis amor, hæc duo concilare queat : & No-
rilij memoratas assertiones amplecti, & Apostolicæ Sedis de-
creta, & Constitutiones revereri ; vide §. 6. à num. 5.